



唐類函

四十二

人部  
說  
嘲  
戲  
刑  
贈  
荅

四十二

13  
2413  
42



13  
2413  
42

唐類函卷一百三十九

明東吳俞安期彙纂

明雲間董其昌校訂

人部十九

說

附

嘲戲

○說一類聚藝文

左傳曰晉侯秦伯圍鄭佚之狐言於鄭伯曰國危矣若使燭之武見秦軍師必退燭之武夜縋而出見秦伯曰秦晉圍鄭既知亡矣若亡鄭而有益於君敢以煩執事越國以鄙遠君知其難也焉用亡鄭以陪鄰夫晉何厭之有既東封鄭又欲肆其西封不闕秦



焉取之闕秦以利晉唯君圖之秦伯悅 又曰晉郤  
缺言於趙宣子曰晉衛不睦故取其地今已睦矣可  
以歸之叛而不討何以示威服而弗柔何以示懷非  
威非懷何以示德無德何以主盟子爲正卿以主諸  
侯而不務德將若之何宣子悅之 又曰吳伐楚入  
郢申包胥如秦乞師曰吳爲封豕長蛇荐食上國虐  
始於楚寡君失守社稷越在草莽使下臣告急曰夷  
德無狀若鄰於君疆場之患也逮吳之未定也君其  
取分焉若以君靈撫之世以事秦立依於庭牆而哭  
日夜不絕聲勺飲不入口七日秦師乃出 又曰楚

子嚮魯昭公於新臺好以入屈旣而悔之遂啓疆闔  
之見公公語之拜賀公曰何賀對曰齊與晉越欲此  
久矣寡君無適與也敢不賀乎公懼乃反之 戰國  
策曰范雎謂秦王曰大王之國北有甘泉谷口南涇  
渭右隴蜀左關坂戰車千乘奮卒數百萬以秦卒之  
勇車騎之多以當諸侯譬若放韓盧而逐狡兔也霸  
王之業可致今反閉關不敢窺兵於山東者是穰侯  
爲秦謀不忠大王之計有失也 又曰秦惠王以女  
爲燕太子婦燕文公卒齊王因燕喪攻取十城蘇秦  
說齊王再拜而賀迎而弔齊王曰何慶弔相隨之速

也對曰人之飢所以不食烏喙者以爲雖充腸而與死同患夫燕雖弱小強秦之壻也王利其十城而與秦爲仇以招天下精兵此食烏喙之類也王曰然則奈何對曰王能聽臣莫如歸燕城卑辭以謝之秦知王以已之故歸燕地必德王燕無故得十城燕亦德王是王棄強仇而立身厚交也齊王大悅乃歸燕城又曰秦王謂趙使者諒毅曰趙豹平原君數欺弄寡人趙能煞此兩人則可若不能煞請率諸侯受命邯鄲城下諒毅曰趙豹平原君親寡君之母弟也猶大王之有華陽君涇陽君大王以孝悌聞於天下衣

服之便於體膳羞之慊於口未嘗不分輿馬衣裘無非大王之服今受大王之嚴令以報弊邑之君不敢弗行無乃傷華陽君之心乎又曰齊欲伐魏魏使人謂淳于髡曰齊欲伐魏能解魏患唯先生也弊邑有寶璧二雙文馬二駟請致之先生淳于髡諾入說齊王曰楚齊之仇敵也魏齊之與國也夫伐與國使仇敵制其餘弊名醜而實危爲王不取也齊王曰善乃不伐魏又曰趙且伐燕蘇代謂惠王曰今者來過川蚌方出曝而鷓啄之曰今日不雨明日不雨蚌將爲脯蚌亦謂鷓曰今日不出明日不出必見死鷓

兩者不肯相舍漁者得而并禽之今趙且伐燕燕趙  
互相交兵恐強秦之爲漁父也故願王熟計之惠王  
曰善乃止 又曰昭陽爲楚伐魏移兵而攻齊陳軫  
爲齊王使見昭陽曰今子貴矣王非置兩令尹也臣  
竊爲公譬之可乎楚有祠者賜其舍人酒一卮舍人  
相謂曰數人飲之不足一人飲之有餘請畫蛇先成  
者飲酒一人蛇先成乃左手持卮右手畫蛇曰吾能  
爲足爲足未成一人之蛇成奪其卮曰蛇故無足子  
安能爲之足遂飲其酒畫蛇足者終亡其酒今公攻  
魏殺將得八城又移師欲攻齊齊畏公甚公以是名

足矣冠之上非可重也戰無不勝而不知止者身且  
死爵且偃猶爲蛇足也昭陽以爲然解軍而歸 又  
曰衛客事魏王三年不得見乃見梧丘先生許之以  
百金先生曰諾乃見魏王曰吾聞秦出兵未知所之  
願王專事秦無他計王曰諾客趨出至郭門而反曰  
臣恐王事秦之晚也夫人於事已者過急於事人者  
過緩今王於事已者緩安能急於事人衛客事王三  
年不得見臣以是知王緩也魏王趨見衛客 又曰  
蘇秦爲楚合從說韓王曰夫以韓卒之勇被堅甲帶  
利劔一人當百不足云也夫以韓卒之勁與王之賢

乃欲事秦爲天下笑無過此者大王事秦秦必求宜  
陽成旱今茲効之明年又求之予之則無地以給不  
予則棄前功而受後禍大王之地有盡而秦之求無  
厭以有盡之地而應無已之求鄙語曰寧爲雞口無  
爲牛後今西面交臂而事秦何異牛後乎 又曰秦  
王與中期爭論而不勝秦王大怒中期徐行去人爲  
中期說秦王曰此悍人也中期適遇明君故也遇桀  
紂必殺之矣王因弗罪 史記曰李斯說秦王曰自  
孝公以來周室卑微諸侯相兼關東爲六國秦之乘  
勝役諸侯蓋六世矣今諸侯服秦譬若郡縣夫以秦

之大王之賢由竈上掃除足以滅諸侯成帝業矣今  
怠而弗急就諸侯復強相聚約從雖有前帝之賢弗  
能并也秦王聽其計 又曰李左車說成安君陳餘  
曰臣聞韓信涉西河虜魏王禽夏說新喋血閼與今  
乃輔以張耳議欲以下趙此乘勝而遠鬪其鋒不可  
當臣聞千里餽糧士有飢色今井陘之道車不得方  
軌騎不得成列其勢糧食必在其後願足下假臣奇  
兵三萬人從間道絕其輜重彼前不得鬪退不得還  
吾奇兵絕其後野無所掠不至十日兩將之頭可致  
麾下 又曰酈食其說齊王曰王知天下所歸乎齊

王曰天下何歸曰歸漢何以言之曰漢王與項王戮力西向擊秦約先入咸陽者王之項王負約不與而王之漢中又遷殺義帝漢王聞之起罵云之兵責殺義帝之罪降城卽以侯其將得賂卽以其士蜀漢之粟萬船而下項羽有背約之名殺義帝之負於人之功無所記於人之罪無所忘天下之士歸於漢王可坐而策今已據敖倉之粟塞成臯之險守白馬之津杜太行之坂距飛狐之口天下後服者先亡王疾下漢王齊國社稷可得而保不下漢王危亡可立而待乃聽鄒生 又曰高祖使陸生賜尉佗印爲南越

王陸生進說佗曰足下中國人親戚昆弟墳墓在真定今反天性棄冠帶欲以區區之越與天子抗衡禍且及身也乃欲以新造未集之越屈強於此漢使一偏將將十萬衆臨越則越殺王降漢如反覆手耳漢書曰項羽擊陳留外黃外黃不下數月乃降羽悉令男子年十四五以上詣城東欲坑之外黃今舍人兒年十三往說羽曰彭越強劫外黃外黃恐故降待大王大王至又皆坑之百姓豈有所歸心哉從此以東梁地十餘城皆恐莫肯下矣羽然其言 又曰趙王乃與張耳陳餘北略地燕界趙王爲燕軍所獲燕

因留之欲與分地趙有廝養卒乃走燕壁問曰何知  
臣欲燕將曰若欲得王耳曰君知張耳陳餘何人也  
燕將曰賢人也曰其志何欲燕將曰欲得其王耳趙  
卒笑曰君未知兩入所欲也夫武臣張耳陳餘杖馬  
箠下趙數十城亦各欲南面而王夫臣之與主豈可  
同日道哉兩人亦欲分趙而王時未可耳今兩人名  
爲求王實欲燕殺之此兩人分趙而王夫以一趙尚  
易燕况以兩王左提右挈而責直義殺王滅燕易矣  
燕以爲然乃歸趙王 東觀漢記曰隗囂既立使聘  
平陵方望爲軍師望至說囂曰足下欲承天順民輔

漢而起今立者乃在南陽王莽尚據長安雖欲以漢  
爲名其實無所受命將何以見信於衆宜急立高廟  
稱臣奉祠所謂神道設教求助民神者也囂從其言  
又曰隗囂將王元說囂曰昔更始西都四方響應  
天下喁喁謂之太平一旦敗壞今南有子陽北有文  
伯江湖海岱王公十數而欲牽儒生之說棄千乘之  
基計之不可者也今天水完富士馬最強北取西河  
東收三輔案秦舊迹表裏山河元請以一丸泥爲大  
王東封函谷關此萬世一時也若計不及此且蓄養  
士馬據隘自守曠日持久以待四方之變圖王不成



其弊猶足以霸冀然其計 又曰功曹李熊說公孫述曰蜀地沃野千里土壤膏腴果實所生無穀而飽戰士不下百萬見利則出兵而略地無利則堅守而力農東下漢水以窺秦地南順江流以震荆揚所謂用天因地成功之資今名號未定志士狐疑宜卽大位使遠人有所依歸述遂自立爲天子 又曰鄧禹聞上安集河北卽杖策北渡追及於鄴禹進曰三輔假號徃徃羣聚皆庸人崛起志在財幣非有忠良明智深慮遠圖尊王安民者也明公雖建蕃輔之功猶恐無所成立於今之計莫如延攬英雄務悅民心立

高祖之業救萬民之命以公而慮天下不足定也上大悅 范曄後漢書曰袁紹奔冀州董卓購募紹伍瓊說卓曰袁紹不達大體恐懼出奔非有他志今急購之勢必爲變袁氏樹恩四世門生故吏遍於天下若收豪傑以聚徒衆英雄因之而起則山東非公之有也不如赦之必無患矣卓以爲然 又曰曹公軍至新野傅巽說劉琮曰逆順有大體強弱有定勢以人臣而拒人主逆道也以新造之楚而御中國必危也以劉備而敵曹公不當也三者皆短欲以抗王師之鋒必凶之道也願將軍勿疑 漢晉春秋曰鍾會

陰懷異圖姜維見而知其心乃說之曰聞君自淮南  
以來算無遺策今復定蜀威震世民高其功而主  
畏其謀欲以此安歸乎夫韓信不肯漢於擾攘而見  
疑於既平大夫種不從范蠡於五湖卒伏劍而妄死  
彼豈闇主愚臣哉利害使之然也今公何不法陶朱  
汎舟絕迹全功保身登峩眉之嶺而從赤松遊乎會  
田爲全之道或未盡於此也維曰其他則君智力所  
能盡無煩老夫矣

說二白 辭附

賜璧史虞卿遊說士也躡躡僑擔簦說趙孝成王一見  
賜金百鎰白璧一雙再見命爲上卿登長柄笠

送金蘇秦抵掌而談李掉舌下齊刺通曰酈食其伏

煒燁譎誑文選說煒燁緩頰說漢王謂酈食其曰緩頰

甘辭說盜跖責仲尼云子矯尾厲角秦張儀一體也

然其矯尾厲角含吐縱橫張儀破橫散從蘇張破橫

說之士無口舌得官敬婁說得黨榮辱在茲樞機

榮辱在茲甘言誘我行不苟合義在取容否臧於

人利害於已巡其邦國建以功名韓信伏

誅不取蒯通之說一黥布受戮無收朱建之謀○辯

害義家語曰小辯害眼口莊子曰服人之心離合離

義小言破道眼口不能服人之心離合離

合異 堅白 趙人公孫龍為堅白之譚折角 五鹿岳岳

辯也 解環 文子解連 膠言 義曰膠言 美言 老子美言

說楚 聲絕秦 相陳說利害 賜著編衣白冠陳說其間

利害使二國釋患 論議名節 精辯論議常依名節

聽之者竦然長安號 陸賈宏辯 有辯 伊籍應聲 籍使

曰婁君卿之唇舌 吳人拜孫權權曰勞事無道之君 十人皆辯士 宰子

籍應聲曰一拜一起未足為勞 蘇秦張儀范雎蔡澤莊周公孫 一日伏千人 齊有辯

龍惠施相玄十人皆辯士也 魯連子謂巴曰先生之言似梟者惡人也巴乃終身

於狙丘稷下置館毀三皇而訾五帝一曰伏千人 蘇秦

魯連子謂巴曰先生之言似梟者惡人也巴乃終身 蘇秦

陳六雄之利害以拒秦 從六國合 子夏變五國之興衰

以存魯 存魯亂齊破吳強晉霸越十 河注 泉湧

喋喋利口 截截論言 彈射滅否 商權得失

言惟可矣 利亦溥哉 未可擇辭 所宜從志

雖子貢之言億則屢中 而老聃之戒多言數窮

書齊魯仲連與燕將書曰吾聞智者不背時而棄利

勇士不怯死而滅名忠臣不先身而後君忠廢名滅

後世無稱非智也且吾聞効小節者不能行大威惡

小恥者不能立榮名昔管仲射桓公中其鉤篡也傳

公子糾而不死怯也束縛桎梏辱也三行者鄉里不

通世主弗臣使管仲終窘抑而不見窮年沒壽不免

人邪 卷二百三十九 十一 說

為辱人然而管仲棄三行之過據齊國之政一匡天下九合諸侯使為五伯首名高天下光昭鄰國曹沫為魯君將三戰而喪地千里使曹沫計不顧後即不免為敗軍禽將非勇也功廢名滅後世無稱非智也夫三北之恥以一劍之任劫桓公於壇上顏色不變而辭氣不悖三戰之所喪一朝反之天下振動名傳後世若此三公者非不能行小節死小恥也以為殺身絕世功名不立非智也故業與三王爭流名與天壤相弊也公其圖之 漢司馬相如諭難蜀父老書曰漢興七十有八載德茂存乎六世威武紛紜湛恩

注濊羣生霑濡洋溢乎方外於是乃命使西征隨流而攘風之所被罔不披靡結軌還轅東向將報至于蜀都耆老大夫縉紳先生之徒二十有七人儼然造焉辭畢進曰蓋聞天子之牧夷狄也其義羈縻勿絕而已今罷三郡之士通夜郎之塗三年於茲而功不竟今又接之以西夷百姓力屈恐不能卒業此亦使者之累也使者曰世必有非常之人然後有非常之事有非常之事然後有非常之功非常者固常人之所異也且夫賢君之踐位也必將崇論宏議創業垂統為萬世規是以六合之內八方之外懷生之倫靡

有不浸潤於澤者賢君恥之而夷狄殊俗之國遼絕  
異黨之域舟車不通人迹罕至君臣易位尊卑失序  
號泣內嚮而怨曰蓋聞中國有至仁焉舉踵思慕若  
枯旱之望雨故乃關沐若微泔河鏤靈山梁孫原創  
道德之塗垂仁義之統以偃甲兵於此而息討伐於  
彼遐邇一體中外禔福不亦康乎方將增太山之封  
鳴和鸞揚樂頌上減五下登三觀者未視旨聽者未  
聞音猶鷓鴣已翔乎寥廓之宇而羅者猶視乎藪澤  
於是諸大夫喟然稱曰允哉漢德此固鄙人之所願  
聞也後漢朱浮與彭寵書曰朝廷之於伯通恩亦

厚矣委以大郡任以威武事有柱石之寄情同子孫  
之親匹夫媵母尚能致命一食豈有身帶三綬職典  
大邦而不顧恩義生心外叛者乎伯通與吏民語何  
以爲顏行步拜起何以爲容坐臥念之何以爲心引  
鏡鬪影何施眉目惜乎棄休令之嘉名造鳴梟之逆  
謀捐傳世之慶祚招破敗之重災生爲世笑死爲愚  
鬼不亦哀乎伯通自伐以爲功高天下往時遼東有  
豕生子白頭異而獻之行至河東見羣豕皆白懷慚  
而退若以子之功論於朝廷則爲遼東豕也後漢  
馮衍說曰皇帝聖德靈威龍興鳳舉率宛業之勁推

九虎之軍雷震四海席卷天下攘除禍亂繼高祖之  
休烈修文武之絕業社稷復存炎精更輝德冠往初  
功無與二天下因以去亡新就聖漢故易以樹恩布  
德易以周洽其猶順驚風而蜚鴻毛然而諸將鹵掠  
至乎逆倫絕理殺人父子妻人婦女燔其室屋殄盡  
其財產寃結失望無所歸命今大將軍以明淑之德  
秉大使之權統三軍之政存撫并州之民惠愛之誠  
加乎百姓高世之聲聞乎羣士故其延頸舉踵而望  
者非特二人也且大將軍之事豈得在於珪璧束脩  
而已哉將定國家之大業成天地之元功也昔周宣

中興之主齊桓霸強之君耳猶有申伯召虎夷吾申  
甫安其疆宇况乎萬里之漢明帝復興而大將軍爲  
之梁棟此誠不可以忽也且衍聞之兵久卽力屈民  
愁卽變生今邯戰之賊未滅真定之際復擾兵革雲  
翔百姓震駭奈何自怠不爲深憂乎魏阮瑀爲魏  
武與孫權書曰每覽古今所由改趣因緣侵辱用成  
大變若韓信傷心於失楚彭寵積望於無異盧綰嫌  
畏於已隙英布憂迫於情漏此事之緣也孤與將軍  
恩如骨肉而忍絕王命明棄碩交不能遠度孤心近  
慮事勢遂齎見薄之決計秉翻然之成議常思除棄

小事更申前好二族俱榮祚流後嗣高帝設爵以延  
田橫世祖指河而誓朱鮪君之負累豈如二子是以  
至情願聞德音智者之慮慮於未形達者所規規於  
未兆是故子胥知姑蘇之有麋鹿輔果識智伯之爲  
趙禽穆生謝病以免楚難鄒陽北遊不同吳禍此四  
士者豈聖人哉徒通變思深以微知著耳若能內取  
子布外擊劉備以効赤心用復前好者則江表之任  
長以相付高位重爵坦然可觀 晉孫楚爲石苞與  
孫皓書曰吳之先主起自荊州遭時擾攘播潛江表  
劉備震懼逃迹巴岷遂依丘陵積石之固三江五湖

浩汗無涯假氣遊竟迄于四紀二邦合從東西偕和  
互相扇動拒捍中國自謂三分鼎足之勢可與泰山  
共相終始晉王輔相帝室文武桓桓獨見之鑒與衆  
絕慮主上欽明委以萬機長轡遠御妙略潛授偏師  
同心上下用力感稜奮伐深入其阻并敵一向奪其  
膽氣小戰江界成都自潰曜兵劔閣而姜維面縛開  
地五千裂郡三十師不踰時梁益肅清使竊號之雄  
稽顙絳闕球琳重錦充於府庫夫號滅虞亡韓并魏  
徙此皆前鑒之驗後事之師也方今百寮濟濟俊乂  
盈朝虎臣武將折衝萬里國富兵強六軍精練思復

翰飛飲馬南海自頃國家整治器械修造舟楫簡習  
水戰伐樹北山則太行木盡濬決河洛則百川流通  
樓船萬艘千里相望自刳木以來舟車之用未有如  
今日之盛者也驍勇百萬畜力待時役不再舉今日  
之謂也 晉劉琨與石勒書曰將軍誕稟雄姿勇略  
自然大呼於紛擾之中奮臂於駭亂之際發迹河朔  
席捲兗豫飲馬江河折衝淮漢自古名將未足爲踰  
所以攻城而不有其民略地而不有其土聚徒百萬  
而莫爲已用翕爾雲合忽復星散周流天下而無容  
足之地百戰百勝而無尺寸之功將軍豈知然乎存

亡決在得王成敗要在所附得王則爲義兵附逆則  
爲賊衆義兵雖敗而功業必成賊衆雖剋而終殄滅  
者也赤眉盛於東海黃巾連帶三州張昌李辰僭逆  
荆豫或擁衆百萬橫逆宇內所以一旦敗亡正以兵  
出無名聚而爲亂劉聰父子戎狄凡才乘釁肆毒寇  
虐人神殺父害弟偷竊位號自古及今豈有聰比而  
可以正天下者乎見將軍明鑒灼然所宜懸了者也  
况附聰之弊漸以彰著資財不爲已用名位不可得  
守有若晨霜秋露霧霧之氣雖朝凝而夕消暫見而  
尋沒也今將軍附賊而望爲民主不亦難乎 晉桓



玄與劉牢之書曰今君戰敗則傾宗戰勝則覆族以是安歸乎孰若翻然改圖唯理是宅保其富貴全其勲業則身與金石等固名與天壤俱窮孰與頭足異處身名俱滅為天下笑哉夫明者見於無形愚夫安於所耽二者成敗惟君圖之 宋謝莊為朝臣與雍州刺史袁顗書曰夫夷險相因興革連數或殷憂而啓聖明此既闇於聞見天道輔順謳歌有奉高祖之孫文皇之子德洞九幽功貫二曜匡拯家國提敏蒼生若不南面子民將使神器何主當誓衆奮戈剪此朝食若自延過聽迷途未遠聖上臨物以仁接下以

愛豈直雍齒先封乃當射鉤見相矣 梁簡文帝與魏東荊州刺史李志書曰卿門世英葉中州舊族自金天失馭帝鼎南遷衣冠播越不及俱邁豈可屈志羶戎久淪胡壤今皇師外掃天鉞四臨海蕩電飛雲蒸雨合所摧所尅是卿之具聞也且偽國沸騰四方幅裂主虐臣姦牝雞亂政若能早識事機翻歸有道豈直圖形長樂刻像鍾鼎時事易差相思勉勵但明月闇投昔人為誠隣蕃贈藥有可虛懷密驛輕郵則望歸簡 梁邵陵王蕭綸與元帝書曰先朝聖德治天下九親維睦四表無怨誠為國政實亦家風弟弘

識遠鑒無俟傍說事重情切不能默已勞兵損義虧  
失多矣可謂吞水療寒揚湯止沸侯景所以未敢窺  
兵江外正謂蕃屏盤固宗鎮強密若自相魚肉是爲  
代景行師昔廉蘭二虎且猶不鬪兄弟與湘雍方須  
叶力唯親惟急萬倍於斯同怨同恥尤甚昔事豈得  
各恣目前不思久遠安臥積薪日待焚熾狂夫尚猶  
阻之智者反致其惑所冀聽識一聞斯悟 梁丘遲  
與陳伯之書曰將軍勇冠三軍才爲世出棄燕雀之  
小智慕鴻鵠以高翔昔因機變化遭遇明主立功展  
事開國稱孤朱輪華轂擁旄萬里何其壯也如何一  
旦爲奔亡之虜聞鳴鏑而股慄對穹廬以屈膝又何  
劣邪暮春三月江南草長雜花生樹羣鷺亂飛見故  
國之旗鼓感平生於疇昔撫弦登陣豈不愴恨所以  
廉公之思趙將吳子之泣西河人之情也將軍獨無  
情哉

○嘲戲一

藝文類聚

毛詩曰善戲謔兮不爲虐兮 左傳曰晉人或以廣  
隊不能進楚人碁之脫扁少進馬還又碁之拔旆拔  
衡乃出顧曰吾不如大國之數奔也 晏子春秋曰  
晏子短小使楚楚人爲小門於大門側而延晏子晏

子不入曰使狗國者從狗門入今臣使楚不當從狗門入王曰齊無人耶對曰齊之臨淄張袂成帷揮汗成雨何為無人齊使賢者使賢王不肖者使不肖王嬰不肖故使王爾 又曰晏子使楚楚王謂左右曰晏嬰習辭者也吾欲傷之若坐定縛一人來及嬰坐左右縛人王問何謂者曰齊人坐盜王視晏子曰齊人善盜乎晏子對曰嬰聞橘生江北則為枳葉徒相似其實味不同水土異也今此人生於齊不為盜入楚則盜得無楚之水土使為盜耶王笑曰寡人反取病焉 孔叢子曰平原君與子高飲強子高酒曰昔

有遺諺堯舜千鍾孔子百觚子路盍盍尚飲百榼古之賢聖無不能飲也吾子何辭焉子高曰以穿所聞賢聖以道德燕人未聞以飲也平原君曰即如先生言則此言何出子高曰出於嗜酒者蓋其勸勵探戲之辭非實然也平原君忻然曰吾弗戲子無所聞此雅言也 漢書曰東方朔自公卿在坐朔皆傲弄無所為屈上以朔口諧辭給嘗問朔曰先生視朕何如主也朔對曰自唐虞之隆成康之際未足以喻當世伏觀陛下功德陳五帝之上在三王之右非若此而已誠得天下賢士公卿在位咸得其人矣若以召公

為丞相孔丘為御史大夫太公為將軍畢公高拾遺於後下莊子為衛尉臯陶為大理后稷為司農伊尹為少府子貢使外國顏閔為博士子夏為太常孫叔敖為諸侯相子產為郡守王子慶忌為期門上乃大笑續漢書曰邊韶字孝先以文學知名教授數百人韶口辯曾書假臥弟子嘲之曰邊孝先腹便便懶讀書但欲眠韶潛聞之應時對曰邊為姓先為字腹便便五經笥但欲眠思經事寐與周公通夢坐與孔子同意師而可嘲出何典記蜀志曰張裕饒鬢先主嘲之曰涿縣特多毛姓東西南北皆諸毛也涿令

稱曰諸毛統涿居乎裕即荅曰昔有作上黨潞長遷為涿令者去官還家時人與書欲署潞則失涿署涿則失潞乃署曰潞涿君先主無鬢故裕云此也又曰蜀遣鄧芝使吳孫權謂芝曰若天下太平二主分理不亦樂乎芝對曰夫天無二日土無二王如并魏之後大王未深識天命則戰爭方始耳權大笑曰君之誠款乃當爾耶魏略曰丁謚父斐初隨太祖太祖以斐鄉里特饒愛之太祖征吳斐隨行以家牛羸困私易官牛坐免官後太祖調斐曰文侯印綬所在斐知見戲對曰以易餅太祖大笑謂左右曰東曹毛

八部 卷一百三十九 九  
掾數白此家欲我重治我非不知清良也譬如人家  
有盜狗而善捕鼠盜雖有小損而完我囊貯遂復斐  
官如初 又曰太祖請會啁王朗曰飲不能効君昔  
在會稽折粳米飯也朗仰而歎曰宜適難值如朗昔  
者未可折而折如 少公今日可折而不折 吳志曰  
蜀使張奉使於孫 箭以姓名啁闕澤澤不能荅薛  
綜下行酒因勸云蜀者何也有犬爲獨無犬爲蜀橫  
目句身蟲入其腹奉曰不當復說君吳邪綜應聲曰  
無口爲天有口爲吳君臨萬邦天子之都於是衆坐  
喜笑而奉無對 典略曰魏文帝嘗賜劉楨郭落帶

其後師死欲借取以爲像因書調楨云夫物因人爲  
賢故在賤者之手不御至尊之側今雖取之勿嫌其  
不反也楨荅曰開荆山之璞曜瓦后之寶隋侯之珠  
燭衆女之好南垠之金登窈窕之首豐貂之尾綴侍  
臣之幘此四寶者伏朽石之下潛汗泥之中而揚光  
千載之上皆亦未能初接於至尊也貴者所御賤者  
所先也故夏屋初成而大匠先立其下嘉禾始熟而  
農夫先嘗其粒恨楨所帶無他妙飾若實殊異尚可  
納也 王隱晉書曰武帝問郗詵卿自以爲何如詵  
對曰臣舉賢良對策爲天下第一猶桂林之一枝若

崑山之片玉帝笑侍中奏免詵詔曰吾與戲耳晉  
中興書曰刁彝於桓温坐嘲韓博曰君是韓盧後博  
誤曰卿是韓盧後温笑曰刁以君姓韓故相問耳他  
自姓刁那得是韓盧後博曰明公未之思耳短尾者  
則爲刁也一坐推歎焉沈約宋書曰何承天除著  
作郎年時已老諸佐郎並名家年少荀伯子嘲之常  
呼爲妳母承天曰卿當云鳳皇將九子妳母何言耶  
又曰劉義基封營道侯凡鄙無識始興王濬謂義  
基曰陸士衡詩曰營道無烈心其義若何義基荅曰  
下官初不識士衡何忽見苦江表傳曰孫權以鄭

泉爲郎中嘗爲之言卿好於衆中面陳或失禮敬寧  
不畏龍鱗乎對曰臣聞君明臣直朝廷上下無諱實  
恃洪恩不畏龍鱗後侍宴權乃怖之命提出有司治  
罪泉臨出屢顧權呼還笑曰卿言不畏龍鱗何以臨  
出而顧乎對曰實恃恩覆無憂至死當出閣感惟威  
靈不能不顧耳諸葛恪別傳曰孫權嘗譙見蜀使  
費禕逆勅羣臣使至伏食勿起至權爲輟食而羣下  
不起禕調之曰鳳皇來翔麒麟吐哺驢騾無知伏食  
如故恪荅曰爰植梧桐以待鳳皇有何燕雀自稱來  
翔何不彈射使還故鄉文士傳曰秦據朝沙門于

法龍曰今大晉弘廣天下爲家何不全髮膚去袈裟  
舍故服被綺羅入滄浪濯清波隨太陽濯春華而獨  
上違父母之恩下失夫婦之匹雖受布施之名而有  
乞丐之實乎 顧凱之家傳曰愷之見謝萬因論神  
仙謂曰仙者之乘或羊或鹿使君當乘何物耶使君  
曰居家者遇物斯乘卿輩卽轅中客也 語林曰劉  
道真於河側自牽船見一老嫗採旅劉調之曰女子  
何不調機利杼而採旅女荅曰丈夫何不跨馬揮鞭  
而牽船 又曰道真嘗與一人共索稗草中食見一  
嫗將二兒過並青衣調之曰青羊將兩羔嫗荅曰兩  
猪共一槽 又曰許玄度將弟出都婚諸人欽遲之  
旣見乃甚癡便欲嘲棄之玄度爲之作賓主相對真  
長歎曰玄度爲弟婚施十重鐵步障 又曰鍾雅語  
祖士言我汝穎之士利如錐卿燕代之士鈍如槌祖  
曰以我鈍槌打爾利錐鍾曰自有神錐何可得打祖  
曰旣有神錐亦有神槌 又曰辛恭靜見司馬太傅  
問卿何處人荅曰西人太傅應聲戲之曰在西頗見  
西王母不荅曰在西乃不見西王母過東已見東王  
公太傅大愧 又曰晉孝武好與虞嘯父飲酒醉拜  
不能起帝呼人扶虞嘯父荅曰臣位未及扶醉未及

亂非分之賜所不敢當帝美之勅疏取語於是為風  
 俗人相嘲調輒云好語疏取世說曰庾元規語周  
 伯仁曰諸人皆以君方樂周曰樂毅耶庾曰方樂令  
 耳周曰何乃刻畫無鹽以塘突西施耶又曰諸葛  
 瑾為豫州別駕云小兒知談卿可與語別駕喚恪咄  
 咄郎君恪因嘲之豫州亂矣何咄咄之有荅曰君明  
 臣賢未聞其亂恪復云昔唐堯在上四凶在下荅曰  
 豈惟四凶亦有丹朱又曰鄧艾口吃語稱艾艾晉  
 文王戲之曰卿云艾艾為是幾艾鄧荅曰鳳兮鳳兮  
 故是一鳳又曰桓南郡出射有劉參軍與周參軍

同用賭垂成唯少一破劉謂周曰卿此起不破我當  
 相捷周曰何至受卿捷劉曰伯禽之貴尚不免捷而  
 况於卿又曰謝太傅始有東山之志桓公見藥中  
 有遠志公問謝此藥又名小草何以一物二稱謝未  
 即荅郝參軍荅曰處則為遠志出則為小草謝公殊  
 有愧色又曰司馬太傅齋中坐天明月淨歎以為  
 佳謝景重荅曰意謂不如微雲點綴太傅因戲謝  
 曰卿居心不淨乃復欲滓穢太清耶又曰荀鳴鶴  
 陸士龍二人俱會張茂先坐其語陸曰雲間陸士龍  
 荀曰日下荀鳴鶴陸曰既開青雲覩白雉何不張爾



弓鼓爾矢荀荅曰本謂是雲龍駸駸乃是山鹿野麋  
獸微弩強是以發遲

嘲戲二白 狎侮併

題驢面 吳諸葛瑾字子瑜面長似驢吳王使題其上

以驢賜覓鸚父 吳諸葛恪待權坐有白頭鳥集殿前

鳥有鸚母請覓鸚父相弄誰如此有司俱不罪 恪曰恪欺陛下未有鳥名白頭翁請覓白頭母恪曰天

子無戲 周公謂成王先相譏後至謂曰君行常在

人前今何在後純曰且有小事井事不以此相譏

戲之 子曰前言戲之耳謂斬之曰始吾敬子今子魯

也 宋公注戲而相狎曰斬也謔浪詩謔浪笑傲旁狎

禮不旁狎旁疆 禮不旁狎旁疆

安也狎侮玩也 安也狎侮玩也

好弄 傳夷吾弱不

而作何晏曰都陽 而作何晏曰都陽

惡戲難與為曹 惡戲難與為曹

與女伊前後相譏 與女伊前後相譏

其相詐 其相詐

張有弛不常於莊 張有弛不常於莊

故有戲謔之耳 故有戲謔之耳

鍾馬有利錐之戲 鍾馬有利錐之戲

士龍有白雉之嘲 士龍有白雉之嘲

寢弟子與便腹之嘲 寢弟子與便腹之嘲

言偃絃歌仲尼發割雞之戲 言偃絃歌仲尼發割雞之戲

詩晉李充嘲友人詩曰同好齊歡愛纏綿一何深子 詩晉李充嘲友人詩曰同好齊歡愛纏綿一何深子

既識我情我亦知子心燕婉歷年歲和樂如瑟琴良 既識我情我亦知子心燕婉歷年歲和樂如瑟琴良

辰不我俱中濶似商參爾隔北山陽我分南川陰嘉  
會罔克從積思安可任目想妍麗姿耳存清媚音修  
晝興永念遙夜獨悲吟逝將尋行役言別涕沾襟願  
示降玉趾一顧重千金

文漢東方朔荅客難曰蘇秦張儀一當萬乘之主而  
身都卿相之位澤及後世今子大夫修先王之術慕  
聖王之義自以為智能海內無雙則可謂博聞辨智  
矣然悉力盡忠以事聖帝曠日持久官不過侍郎位  
不登執戟意者尚有遺行耶東方先生仰而應曰蘇  
秦張儀之時周室大壞諸侯不朝力政爭權相擒以

兵得士者強失士者亡故說得行焉身處尊位今則  
不然聖帝流德天下震懼諸侯賓服安於覆盂動猶  
運掌賢不肖何以異哉尊天之道順地之理物無不  
得其所故綏之則安動之則苦尊之則為將卑之則  
為虜抗之則在青雲之上抑之則在深淵之下雖欲  
盡節効情安知前後使蘇秦張儀與僕並生於今之  
世曾不得掌故安敢望侍郎乎 漢揚雄解嘲曰客  
嘲揚子曰吾聞上世之士人綱人紀析人之珪儋人  
之爵紆青冠紫朱丹其轂今吾子幸得遭盛明之世  
處不諱之朝歷金門上玉堂有日矣曾不能畫一奇

出一策上說人主下談公卿顧默而作太玄五千文  
 深者入黃泉高者出蒼天大者含元氣纖者入無倫  
 然位不過侍郎擢纔給事黃門揚子笑而應之曰客  
 徒欲朱丹吾轂不知一跌將赤吾之族也往者周網  
 解結羣鹿爭佚士亡常君國無定臣得士者富失士  
 者貧今大漢在東海右渠搜前番禹後椒塗散以禮  
 樂風以詩書天下之士雷動而雲合魚鱗雜襲咸營  
 于八區家家自以為稷契人人自以為臯陶戴纒垂  
 纓而談者皆以為阿衡五尺童子羞比晏嬰與夷吾  
 巨握權則為卿相夕失勢則為匹夫譬若江湖之涯

渤海之島乘鴈集不為之多雙鳧飛不為之少向使  
 上世之士處乎今世策非甲科行非孝廉舉非方正  
 又安得金紫且吾聞之也攫拏者亡默默者存位極  
 者宗危自守者身全是故知玄知默守道之極爰清  
 爰靜遊神之廷惟寂惟漠守德之宅世異事變人道  
 不殊彼我易時未知何如故有造蕭何律於唐虞之  
 世則謬矣有作叔孫通儀於夏殷之時則惑矣有建  
 婁敬之策於成周之世則悖矣有談范蔡之說於金  
 張許史之間則狂矣夫蕭規而曹隨留侯畫策陳平  
 出奇功若泰山響若砥頽雖其人膽智哉亦會其時

之可為也故為可為於可為之時則從為不可為於不可為之時則凶 後漢班固賓戲曰太上有立德其次有立功是以聖哲治世棲棲遑遑孔席不暇墨突不黔由此言之取舍者昔人之上務著作者前烈之餘事耳今吾子幸遊帝王之世躬帶紱冕之服卒不能攄首尾奮翼鱗使見之者景駭聞之者響震徒枕經籍紆體衡門潛神默記亘以年歲然而器不買於當已用不效於一世雖持辯如濤波擣藻如春華猶無益於殿最也主人曰若賓之言斯所謂見勢利之華聞道德之實守矣音奧與之熒燭未仰天庭而覩

白日也曩者王塗蕪穢周失其馭侯伯方軌戰國橫騖當此之時掘朽磨鈍鉛刀皆能一斷商鞅挾三術以讚孝公李斯奮時務而要始皇彼皆躡風塵之會履顛沛之勢朝為榮華夕而憔悴福不盈眦禍溢於世且功不可以虛成名不可以偽立韓設辯而徼君呂行詐以賈國說難既遵其身乃囚秦貨既貴厥宗亦墜方今大漢洒掃羣穢夷險芟荒廓帝紘恢皇綱基隆於義農規廣於黃唐其君天下也炎之如日威之如神雨之如海養之如春譬猶夫草木之殖山林魚鳥之毓川澤參天地而施化豈云人事之厚薄哉

賓曰若夫鞅斯之倫既聞命矣敢問上古之士處身行道輔世成名可述於後者默而已乎主人曰何為其然也昔者咎繇謨虞箕子訪周言通帝王謀合聖神殷說夢發於傅巖周望兆動於渭濱皆俟命而神交匪詞言之所信故能建必然之冊展無窮之勲也若乃牙曠清耳於管絃離婁眇目於毫末逢蒙絕技於弧矢班輪推巧於斧斤僕亦不任厠技於彼列故密邇自娛於斯文 後漢崔駰達旨曰往者揚雄設言客有難玄之尚白應以戰國之士若范蔡鄒衍乘釁相傾詎曜諸侯以干濁世之寵或人亦有觀我之

澹泊故比方昔問以難余余略依前訓以報焉或說已曰今子韜韜六經服膺道術歷世而遊高談有日然下不步卿相之庭上不登王公之門進不黨於贊已退不瀆於庸人獨師友道德合符曩真蓋高樹靡陰獨木不林隨時之宜道貴從凡荅曰有是乎苟欲免吾以世路不知其跌而失吾之度也昔堯令威而臯陶謨高祖歎而子房慮禍不散而曹絳奮結不解而陳平權及策合道從克亂弭衝乃將銘昆吾之冶勒景襄之鍾今聖上之育斯民也樸以皇質彫以唐文六合怡怡比屋為仁夫君子非不欲仕也恥夸毗

以求舉非不欲室也惡登壇而樓處叫呼銜鬻懸旌  
自表非隨和之寶也曝智曜世固以干祿非仲尼之  
道也後漢崔寔答譏曰客有譏夫人之享天爵而  
應睿哲也必將振民毓德弭難濟時故或階媵以納  
說或桎梏而不辭或擊角以自銜或養老以待期及  
其規合策從勲績克章撥亂夷險九合一匡聖人大  
寶唯斯爲光今子遊精太清潛思九玄勵節縹霄抗  
志浮雲口願甘而嘗苦身樂逸而長勤志求貴而永  
卑情好富而困貧慕榮名而失厚思慮勞乎形神答  
曰子徒休彼綉衣不知嘉遁之獨肥也且麟隱於遐  
荒不紆機筭之路鳳皇翔于寥廓故節高而可慕李  
斯奮激果失其度胥種遂功身乃無處觀夫人之進  
趨也不揣已而干祿不揆時而要會或遭否而不遇  
或智小而謀大纖芒毫末禍亟無外榮速激電辱必  
彌世故曰愛餌銜鉤悔在鸞刀披文食黍乃啓其毛  
若夫守恬履靜澹爾無求沈緝濬壑棲息高丘雖無  
炎炎之樂亦無灼灼之憂余竊嘉茲庶遵厥猷後  
漢蔡邕釋悔曰務世公子誨於華顛胡老曰今夫子  
生清穆之世稟醇和之器覃思典籍韞韞六經安貧  
樂賤與世無營曾不能登天庭叙彝倫掃六合之穢

愚清宇宙之埃塵小子惑焉胡老曰若公子所謂觀  
曖昧之利而忘昭晰之害專必成之功而忽蹉跌之  
敗者已於是智者騁詐辯者馳說武夫奮略戰士講  
銳雷駭風馳霧散雲披連衡者六印磊落合從者駢  
組流離據巧蹈機以忘其危夫花離蒂而萎條去榦  
而枯女冶容而淫士背道而辜人毀其滿神疾其邪  
利端始萌害漸亦芽貪夫殉財夸者死權瞻仰世事  
體躁心煩瞋謙盈之効迷損益之數騁駑駘於修路  
慕麒麟而增驅卑俯乎外戚之門乞助乎近貴之譽  
願榮未副從而顛踣九河盈溢非一曲所防帶甲百

萬非一勇所抗今子責匹夫以清宇宙庸可以水旱  
而累堯湯乎是以君子推微達著尋端究緒履霜知  
冰踐露知暑魏陳琳應譏曰客有譏余者云聞君  
子動作周旋無所苟而已矣今主君鍾陰陽之美總  
賢聖之風固非世人所能及遭豺狼肆虐社稷隕傾  
既不能抗節服義與主存亡而背枉違難耀茲武功  
徒獨震撲山東剝落元元結疑本朝假拒羣姦使已  
蒙噶沓之謗而他人受討賊之勲捐功棄力以德取  
怨今賤文德而貴武勇任權譎而背舊章無乃非至  
德之純美而有關於後人哉主人曰是何言也夫兵

之設亦久矣所以威不軌而懲淫慝也夫申鳴違父  
樂羊食子季友鳩兄周公戮弟猶忍而行之王事所  
不得已也而况將避讒慝之嫌棄社稷之難愛暫勞  
之民忘永康之樂此庸夫猶所不爲何有冠世之士  
哉昔洪水滔天汎濫中國伯禹躬之過門而不入率  
萬方之民致力乎溝洫及至簫韶九成百獸率舞垂  
拱無爲而天下晏如夫豈前好勤而後媮樂乎蓋以  
彼勞求斯逸也夫世治責人以禮世亂則考人以功  
斯各一時之宜故有論戰陣之權於清廟之堂者狂  
矣陳俎豆之器於城濮之墟者則悖矣是以達人君  
子必相時以立功必揆宜以處事孝靈既喪姦官放  
禍棟臣殘酷宮室焚火主君乃芟凶族夷惡醜蕩滌  
朝姦清澄守職也既乃卓爲封蛇幽鳩帝后強以暴  
國非力所討違而去之宜也是故天贊人和無思不  
至用能合師百萬若運諸掌者義也今人主以寬弘  
爲宇仁義爲廬若地之載如天之燾故當其聞管籥  
之聲則恐民之病也見羽毛之美則懼士之勞也察  
稼穡之不時推民之賸也臨臺觀之崇高則恤役之  
病也是以虚心恭已取人之謨闢四門廣諫路貴讜  
言賤巧僞慮不專行功不擅美咨事若不及求警恐



不聞用能使賢智者盡其策勇敢者竭其身故舉無遺闕而風烈宿宣也

唐類函卷一百二十九 終

唐類函卷一百四十

明東吳俞安期彙纂  
明雲間陸萬言校訂

人部二十 別上

○別上 藝文類聚

毛詩曰出宿于沛飲餞于禰 又曰韓侯出祖出宿于屠顯父餞之清酒百壺 又曰之子于歸遠送於野 又曰有女仳離慨其歎矣 禮記曰嫁女之家三夜不息燭思相離也 詳禮 家語曰孔子去周而老子送之曰吾聞富貴者送之以財仁者送之以言吾

雖不能富貴而竊仁者之號請送子以言乎凡當世之聰明深察而近於死者好議人者也博辯闔大而危其身者好發人之惡者也孔子曰敬受教 呂氏春秋曰吳起行魏武侯送之絕河西與起相辭曰何以治西河對曰以忠信 孔叢子曰子高遊趙平原君客有鄒文李節者與相友善及將還魯諸故人訣既畢文節送行三宿臨別文節流涕交頤子高徒沅手而已分背就路其徒問曰先生與彼二子善彼有戀戀之心未知後會何期悽愴流涕而先生厲聲高揖無乃非親親之謂乎子高曰始吾謂二子丈夫爾

乃今知其婦人也人豈庶豕也哉而常羣聚乎 吳越春秋曰句踐伐吳乃命國中與之訣而國人悲哀皆作離別之聲 又曰句踐入臣於吳羣臣送至浙江上臨水祖道大夫種爲祝句踐舉杯垂涕 漢書曰武帝幸平陽公主家衛子夫得幸主因奏子夫送入宮子夫上車主拊其背曰去矣卽貴願無相忘 又曰疏廣與兄子受並爲皇太子師傅廣遂上疏乞骸骨上許之公卿大夫故人邑子遂爲設祖道供帳東都門外送者車數百兩辭訣去或歎息爲之下泣 詳太子太傳 又曰李廣利將兵擊匈奴丞相爲祖道至

渭橋 又曰竇皇后弟廣國曰姊去我西時與我訣  
於傳舍中沐我 又曰成帝遣定陶王之國王辭去  
上與相對泣而訣 東觀漢記曰陳遵爲大司農護  
軍使匈奴過辭於王丹丹謂遵曰俱遭世反覆唯我  
二人爲天地所遺今子當之絕域無以相贈贈子以  
不拜遂揖而別遵甚喜 又曰東平王蒼與諸王朝  
京師月餘還帝臨送歸宮悽然懷思乃遣使手詔諸  
國曰辭別之後獨坐不樂因就車歸伏軾而吟瞻望  
永懷實勞我心誦及採菽以增歎息 又曰肅宗遣  
諸王歸國帝特留東平王 賜以秘書列圖道術秘  
方至八月飲酎畢有司復奏遣蒼乃許之手詔賜蒼  
曰骨肉與天性誠不以遠近親疎然數見顏色情重  
昔時中心戀戀惻然不能言於是車駕祖送流涕而  
訣復賜乘輿服御珍寶鞍馬錢布以億萬計 又曰  
光武遣馮異討赤眉車駕送至河南賜以乘輿七尺  
具劔勅異曰念自修整無爲郡縣所笑異頓首受命  
謝承後漢書曰范丹與王奐親善奐後爲漢陽太  
守丹於道候別之奐曰行路倉卒非陳潤之所可共  
到前亭宿息以叙分隔丹曰今子遠適千里會面無  
期如其相追將有慕貴之譏矣便起告違拂衣而去

與瞻望弗及丹長逝不顧 吳志曰魯肅代周瑜過  
呂蒙酒酣蒙問肅曰君受重任與關羽為鄰將何計  
畧以備不虞肅應曰臨時施宜蒙因為畫五策肅於  
是越席就之拊其背曰呂子明吾不知卿才畧所及  
至於此也遂拜蒙母結友而別 又曰劉繇亡於豫  
章孫策命太史慈往安撫之左右皆曰慈必北去不  
還策曰子義捨我當復與誰餞送關門把腕別曰何  
時能還答曰不過六十日果如期而反 吳錄曰孫  
權祖朱桓桓奉觴曰臣當遠去願一將陛下鬚無所  
恨權憑机前席桓進將鬚 魏志曰曹休為鎮南將

軍假節都督軍事車馬臨送下輿執手而別 蜀志  
曰宗豫聘吳孫權捉豫手涕泣而別曰君每銜命結  
二國之好今君年長孤亦老矣恐不復相見 沈約  
宋書曰張敷音儀詳緩與人別執手曰念相聞餘響  
久之不絕 又曰殷仲文還姑孰祖送傾朝桓謙要  
參軍王弘同行答曰餞離送別必在有情下官與殷  
風馬不接無緣扈從謙貴其言 管輅別傳曰諸葛  
樂與輅別戒以二言卿性樂酒雖温克然不可保寧  
當節之卿有水鏡之才所見者妙禍如膏火火不可  
不慎持卿散才以遊於雲漢之間不憂不富貴也輅

言酒不可極才不可盡吾欲持酒以禮持才以愚何  
患之有耶 許邁別傳曰邁好養生遣妻歸家東遊  
采藥於桐廬山欲斷穀以山近人不得專一移入臨  
安自以無復返乃改名遠遊書與婦別 語林曰有  
人詣謝公別謝公流涕此人不了不悲既去左右曰向  
客殊自密雲謝公曰非徒密雲乃自旱雷爾 世說  
曰阮籍嫂嘗歸家籍相見與别人或譏之籍曰禮豈  
為我輩設耶 俗說曰張敷從彭城還傅亮下船與  
別張不起授手着舫戶外傳遂不執手熟視張面云  
祖故是黎中不臧者便去 廣州記曰尉他築臺以

朝朔望構起華館以送陸賈 楚辭序曰離別也騷  
愁也言已放逐離別中心愁思 又楚辭曰悲莫悲  
兮生別離樂莫樂兮新相知 又曰僚慄兮若在遠  
行登山臨水送將歸 又曰超北梁兮永辭送美人  
兮南浦 谷永與段會宗書曰朋友以言贈行萬里  
之外以身為本

別二 初學記

宿濟 餞郿 浮雲 零雨

上見李陵贈蘇武詩 下 牽衣 總轡 魏文帝見挽  
見孫楚陟陽侯祖道詩 下 牽衣 總轡 魏文帝見挽  
別詩曰舍我故鄉客將適萬里道妻子牽衣袂落淚  
露懷抱 陸機赴洛詩曰總轡登長路嗚咽辭密親

永歎遵北渚參辰弦枯上見李陵贈蘇武詩

遺思結南津參辰弦枯上見李陵贈蘇武詩

影參商乖音信曠不達離送南浦造北林楚辭曰

今豈非常譬彼弦與枯送南浦造北林楚辭曰

日連行送美人今南浦曹劉離友詩北館東城

漢武帝與秦卓子侯家詔曰春時子侯於北館與家

別陸機贈馮文熊詩曰鳳駕出東城送子臨河曲

登樓望峻波白雲黃鵠母瑤池之上王母謠曰白

雲在天山川間之北路南津曹彪答東阿王詩

下見蘇武贈李陵詩北路南津曹彪答東阿王詩

駕與君訣即車登北路永歎尋先轍陸雲答兄機

詩曰悠遠途可極別怨會何長南津有絕濟北渚無

梁二鳧雙鸞入軍詩曰雙鸞匿景曜嵇康贈秀才

單睢漏獨遊蘭圃桃館徒蘭圃秣馬華山邱人逝

哀吟傷生離蘭圃桃館徒蘭圃秣馬華山邱人逝

矣誰與盡言荆州圖記曰襄陽縣南東津西渚

陸道六里有桃林館是餞行送歸之處東津西渚

此亭迎送所泊也壽春縣城東為長瀨津側有才堂

理越江送猗人於西渚四鳥三荆衛晨興顏回侍

聞有哭聲甚哀顏回曰此哭聲非獨哀死又悲生離

也孔子曰何以知之對曰回聞恒山之鳥生四等羽

翼既成將分離悲鳴以相送哀聲有類於此吳均

續齊諧記曰京兆人田真兄弟三人共分財各居堂

前有一株紫荆華甚茂共議破為三待明截之忽一

夕樹即枯死真見之驚謂諸弟曰本同株當分析便

焦悴况人兄弟孔懷而可離異是秣馬理棹徐幹

賦曰林余馬以候濟兮心僧恨而內盡仰深沈之晦

萬今重增悲以傷情王彪之與諸兄弟方山別詩

日脂車總馳輪汎舟理飛棹臨江絕河類聚飛鵠

絲染墨悲歎路岐楊感悼臨江絕河類聚飛鵠

翔鴻言樂府飛鵠行曰念與君離別氣絕不能言各

詩曰鵠飛舉萬里一神蜚昊雲乖雨絕張載述懷

蒼翮高志難得離鴻失所望雲乖雨絕張載述懷

山川于里告辭楊子哭岐墨氏感絲雲乖雨絕心乎

自殊一乖翔鳧驚鶴詩上見蘇武別李陵詩曹植

傍雄飛窺比翔雌逝赴南湘歸雲征驚風散李克

棄我交頸歡離別各一方歸雲征離合理之常聚散

從詩曰來若迅風歡逝如歸雲征離合理之常聚散

安足驚來若迅風歡逝如歸雲征離合理之常聚散

對樂增累歎析發軫弭棹陸機贈馮文熊詩曰發

分案古所悲志士多苦心謝靈運從宋公戲馬臺

集孔令詩曰歸客逐海隅脫冠謝朝列弭棹泊桂渚

樂景待結轍揚舲范廣泉征虜亭餞王少傅詩曰

塵高衢祖供懸長麓揚舲范廣泉征虜亭餞王少傅詩

日若人鑒殆辱解紱揚歸舲真感屬神應高興襲天

情悽心結念卞裕詩曰余弟適東邁春戀將乖情

送雷次宗詩曰符瑞守信吾事悽心相纏嬰謝靈運

懷城壕志苦離念結情傷日月滔援琴擊筑蔡邕

日商陵牧子娶妻五年無子父母將欲為改娶妻聞

中夜驚起倚戶悲嘯牧子聞長然援琴而鼓之痛恩

愛以永離歎別鶴以舒情故曰別鶴操史記曰燕

太子送荆軻入秦賓客知其事者皆白衣冠以送之

至易水上既祖道贈言送揖於孔子曰子路將行辭

高漸離為之擊筑請以言孔子曰不強不達不勞無

功不忠無親不信無復不恭無禮慎此五者子路曰

由願終身奉之陟陽侯臨川亭孫楚有西征官屬

見後懷良辰明發徒御臨流餞歸人卽長衢陵

披褐懷良辰明發徒御臨流餞歸人卽長衢陵

高阜孰上見孫楚詩下裕送桓竟陵詩曰翰城將

山河閔丘谷孫楚之馮翊祖道詩曰舉翮撫三秦

尋離郭情與從弟別詩曰乖索易為久征虜亭領

軍府范廣泉征虜庭餞王少傅詩曰韓卿辭輦路疎

人郭知殆辱素德燭光塵玄軌芳前覺謝琨送

卷一百四

別

二王在領軍府集詩曰苦哉遠征人將一日三月

二載千秋見毛詩曰桃兮達兮今在城關兮一日不掩歡

緒起離端宋孝武幸中興堂餞江夏王詩曰送

山起別心謝琨送二王在領軍府詩曰樂酒輟今辰離端起來日

贈策傳士會將歸管秦大夫繞朝贈送錢高祖以吏

皆送奉錢三而驪歌別歌雨泣如雨執手詩參執子

蕭何獨以五驪歌別歌雨泣如雨執手詩參執子

執祛又祛執子同舟郭林宗自京師歸諸儒送至河

謂之出郭陳蕃為豫章太守性峻不接賓慕從西征

送歸懷慕佇立望不以佇立以泣涉淇送子宿滂

從之戀

詳類薄送我畿內也加以宴好國語晉侯贈餞如公

好風流雲散一別如離羣索居三年不見自我不

年千里命駕每一相思千里命駕氣怨結而不暢

涕滿泣而橫流送荆軻於易水餞踈廣於東

門謂東都別行子於東門啜其泣矣送美人於南

浦傷如之何

詩古詩曰行行重行行與君生別離相去萬餘里各

在天一涯道路阻且長會面安可知胡馬依北風越

鳥巢南枝相去日已遠衣帶日已緩浮雲蔽白日游

子不顧反思君令人老歲月忽已晚棄捐勿復道努

人部

卷百四



力加飡飯 又曰明月何皎皎照我羅牀帷憂愁不能寐攬衣起徘徊行客雖云樂不如早旋歸 又曰涉江採芙蓉蘭澤多芳草採之欲遺誰所思在遠道還顧望舊鄉長路漫漫浩浩同心而離居憂傷以終老 又曰庭中有奇樹綠葉發華滋攀條折其榮將以遺所思馨香盈懷袖路遠莫致之此物何足貴但感別經時 漢李陵贈蘇武別詩曰晨風鳴北林熠燿東南飛願言所相思日暮不垂帷明月照高樓想見餘光輝玄鳥夜過庭髮髯能復飛褰裳路踟躕彷徨不能歸浮雲日千里安知我心悲思得瓊樹枝以解

長渴饑

又贈蘇武別詩曰良時不再至離別在須臾

屏營衢路側執手野踟躕仰視浮雲馳奄忽交相

踰風波一失所

一作路

各在天一隅長當從此別且復

立斯須欲因晨風發送子以賤軀 漢蘇武別李陵

詩曰骨肉緣枝葉結交亦相因四海皆兄弟誰爲行

路人况我連枝樹與子同一身昔爲鴛鴦今爲參

與辰昔在常相近邈若胡與秦惟念當離別思情日

已新鹿鳴思野草可以喻嘉賓我有一樽酒欲以贈

遠人願子留斟酌慰我平生親 又贈蘇武別詩曰

嘉會難再遇三二作載爲千秋臨河濯長纓念別悵

悠悠遠望悲風至對酒不能酬行人懷往路何以慰  
我愁獨有盈觴酒與子結綢繆 又蘇武詩曰黃鵠  
一遠別千里顧徘徊胡馬失其羣思心常依依何况  
雙飛龍羽翼臨當乖幸有弦歌曲可以喻中懷請爲  
遊子泠泠一何悲絲竹厲清聲慷慨有餘哀長歌  
正激烈中心愴以摧欲展清商曲念子不能歸俛仰  
內傷心淚下不可揮願爲雙黃鵠送子俱遠飛 又  
贈蘇武詩曰攜手上河梁遊子暮何之徘徊岐路側  
恨恨不能離行人難久留各言長相思安知非日月  
弦望自有時努力崇明德皓首以爲期 又贈蘇武

別詩曰陟彼南山隅送子淇水陽爾行西南遊我獨  
東北翔轅馬顧悲鳴五步一彷徨雙鳧相背飛相違  
日已長遠望雲中路想見來珪璋萬里遙相思何益  
心獨傷隨時愛景曜願言莫相忘 又贈蘇武詩曰  
爍爍三星列拳拳月初生寒涼應節至蟋蟀夜悲鳴  
晨風動喬木枝葉日夜零遊子暮歸思塞耳不能聽  
遠望正蕭條百里無人聲遠處天一隅苦困獨零丁  
親人隨風散瀝滴如流星願得萱草枝以解饑渴情  
又贈蘇武別詩曰鍾子歌南音仲尼歎歸歎戎馬  
悲邊鳴遊子戀故廬陽鳥歸飛雲蛟龍樂潛居人生

一世間貴與願同俱身無四凶罪何為天一隅與其  
 苦筋力必欲榮薄軀不如及清時策名於天衢 漢  
 蘇武別李陵詩曰雙鳧俱北飛一鳧獨南翔子當留  
 斯館我當歸故鄉一別如秦胡會見何詎央愴恨切  
 中懷不覺淚霑裳願子長努力言笑莫相忘 又別  
 李陵詩曰征夫懷往路起視夜何其參辰皆已沒去  
 去從此辭行役在戰場相見未有期握手一長歎淚  
 為生別茲努力愛春華莫忘歡樂時生當復來歸死  
 當長相思 魏曹植詩曰門有萬里客問君何鄉人  
 褰裳起從之果得心所親挽裳對我泣太息前自陳

本是朔方士今為吳越民行行將復行去去適西秦  
 又詩曰微陰翳陽景清風飄我衣遊魚潛淥水翔  
 鳥薄天飛眇眇客行士徭役不得歸始出嚴霜結今  
 來白露晞遊子歎黍離處者歌式微慷慨對嘉賓悽  
 愴內傷悲 又送應氏詩曰願得展嬾婉我友之朔  
 方親昵並集送置酒此河陽山川迥且遠別促會日  
 長 又離友詩曰涼風肅兮白露滋木感氣兮條葉  
 辭臨淥水兮登重基折秋華兮采靈芝尋承歸兮贈  
 所思感離隔兮會無期伊鬱悒兮情不怡 魏應瑒  
 別詩曰朝雲浮四海日暮歸故山行役還舊土悲思

不能言悠悠涉千里未知何時旋 又別詩曰浩浩  
 長河水九折東北流晨夜赴滄海海流亦何抽遠適  
 萬里道歸來未有由臨河索太息五內懷傷憂 晉  
 張華祖道征西應詔詩曰赫赫大晉奄有萬方陶以  
 仁化耀以天光貳跡陝西實在我王內飪玉鉉外惟  
 鷹揚四牡揚鑣玄輅振綏庶寮羣后餞飲洛湄感離  
 歎悽慕德遲遲 又祖道趙王應詔詩曰崇選穆穆  
 利建明德於顯穆親時惟我王稟姿自然金質玉相  
 光宅舊趙作鎮冀方休寵曲錫備物煥彰發軔上京  
 出自天邑百寮餞行緝紳具集軒冕我冠蓋習習

戀德惟懷永歎弗及 晉何敬祖洛水祖王公應詔  
 詩曰穆穆聖王體此慈仁友于之至通于明神遊宴  
 綢繆情戀所親薄言餞之于洛之濱高崖巖巖洪流  
 湯湯春風動衿歸鴈和鳴我后饗容鼓瑟吹笙舉爵  
 惟別聞樂傷情嘉宴既終白日西歸羣司告旋鸞輿  
 整綏我皇重離頓轡驂駢臨川永歎酸涕霑頤崇恩  
 感物左右同悲 晉王濬祖道應令詩曰侯誰在矣  
 東宮詵詵曰保曰傅弘道惟新前疑協衡顧問翼輪  
 豈伊張仲專美前津渙乎唐德欽在四鄰齊軌上葉  
 永垂清塵 晉王浚從幸洛水餞王公歸國詩曰聖

主應期運至德敷彝倫神道垂大教玄化被無垠欽  
若崇古制建侯屏四鄰皇輿迴羽蓋高會洛水濱臨  
川講妙藝縱酒釣潛鱗八音以迭奏蘭羞備時珍古  
人亦有言爲國不思貧與蒙廟庭施幸得側大鈞羣  
僚荷恩澤朱顏感獻春賦詩盡下情至感揚人神長  
流無舍逝白日入西津奉辭慕華輦侍衛路無因馳  
情繫帷幄乃心戀軌塵 晉陸機祖道畢雍孫劉邊  
仲潘正叔詩曰皇儲延髦俊多士出幽遐適遂時來  
運與子遊承華執笏崇賢內振纓曾城阿畢劉贊文  
武潘生莅邦家感別懷遠人願言歎以嗟 又送顧

公直詩曰伐鼓五嶺表揚聲萬里外高山何足陵巨  
海猶縈帶 又擬庭中有奇樹詩曰芳草忽已茂佳  
人竟不歸感物戀所歡採此當遺誰 晉陸雲餞太  
尉王公還京邑詩曰聖澤旣渥嘉會愔愔庭旅鍾鼓  
堂有瑟琴飛轡清暉扶桑移陰視景祗慕揮袂霑襟  
戀彼同棲悲爾異林我有旨酒以歌以吟 晉潘岳  
北芒送別王世胃詩曰朱鑣旣揚四轡旣整駕言餞  
行告離芒嶺情有遷延日無餘影迴轅南翔心焉北  
騁 又金谷集詩曰王生和鼎實石子鎮海沂親友  
各言邁中心悵有違何以叙離思攜手遊郊畿朝發

晉京陽夕次金谷湄回谿縈曲阻峻坂路威夷淥池  
泛淡淡青柳何依依玄醴染朱顏但訴杯行遲投分  
寄石友白首同所歸 晉潘尼送盧弋陽景宣詩曰  
楊朱焉所哭岐路重別離屈原何傷悲生離情獨哀  
知命雖無憂倉卒意低迴歎氣從中發灑淚隨襟頽  
九重不常鍵閭闔有時開愧無紵衣獻貽言取諸懷  
又皇太子集應令詩曰聖朝命方岳爪牙司比鄰  
皇儲延篤愛設餞送遠賓誰應今日宴具惟廊廟臣  
置酒宣猷庭擊鼓靈沼濱羽觴飛醴醪芳饌備奇珍  
巴渝二八奏妙舞鼓鐸振長袂生迴飄曲裾揚輕塵

晉孫楚答弘農故吏民詩曰昔我先侯邁德垂化  
康哉之詠寔由是佐惟余忝辱弗克負荷每歷貴邦  
仰瞻泰華追慕先軌感想哀嗟詵詵臣故爰及羣士  
皓首老成率彼邑里闡崇高義長幼以齒 又征西  
官屬於陟陽候祖道送別詩曰晨風飄岐路零雨被  
芳草傾城遠相送餞我千里道乖離卽長衢惆悵盈  
懷抱孰能察其心鑒之以蒼昊 晉左九嬪感離詩  
曰自我去膝下倏忽踰再朞邈邈浸彌遠拜奉將何  
時披省所賜告尋玩悼離詞髮鬢想容儀歔歔不自  
持何時當奉面娛日於書詩何以訴辛苦告情於文

辭 晉殷仲文送東陽太守詩曰昔人深誠歎臨水  
 送將離如何祖良遊心事孱在斯虛亭無留賓東川  
 緬逶迤 宋孝武與廬陵王紹別詩曰連歲矜離心  
 今茲幸良集信宿窮晨暮開顏披所戢未盡歡晤懷  
 已傷岐路及舳艫引江介飛旌背爾邑悄擾徒旅戒  
 團欒流景入遲遲分手念泫泫登路泣 宋南平王  
 代收就長路詩曰聳轡高陵曲揮袂廣川濱黃塵昏  
 白日悲風起浮雲蕭條萬里別契濶三秋分時往從  
 朝露年來驚夕氤徘徊去芳節依遲從遠軍 宋謝  
 靈運相送方山詩曰祗役出皇邑相期憇甌越解纜  
 及流潮懷舊不能發析析就衰林皎皎明秋月含情  
 易為盈遇物難可歇 宋顏延之為皇太子侍宴餞  
 衡陽南平二王應詔詩曰太儀在御皇聖居貞旁緝  
 民紀仰緯天經物資感變神以瑞彤川無遁寶山不  
 闕靈亦既戒裝皇心載遠夕悵亭皇晨儀禁苑神行  
 景驚發自靈闕對宴感分瞻秋悼晚 宋謝惠連與  
 孔曲阿別詩曰悽悽乘蘭秋言餞千里舟塗屈雲陽  
 邑邑宰有昔遊行人雖念路為爾暫淹留 又夜集  
 歎乖詩曰詩人詠踟躕搔首歌離別誠哉曩日歡展  
 矣今夕切吾生赴遙令質明即行轍在貧故宜言贈

子保温惠局用書諸紳久要亮有誓 宋鮑照詩曰  
輕鴻戲江潭孤鴈集洲汜邂逅兩相親同念共無已  
風雨好東西一隅頓千里追憶棲宿特聲容滿心耳  
揚翮不能翔徘徊煙霧裏 又送盛侍郎詩曰北臨  
出塞道南望入鄉津高墉宿寒霧平野起秋塵 齊  
王儉後園餞從兄豫章詩曰茲夕竟何夕念別開曾  
軒光風轉蘭蕙流月沈虛園 齊王融奉辭鎮西應  
教詩曰未學謝能算高義幸知遊雷庭參辯爽梁苑  
豫才鄒徘徊歲光晚搖落江樹秋風旗縈別浦霜瑄  
迢遙州 又蕭諮議西上夜集詩曰徘徊將所憂惜

別在河梁衿袖三春隔江山千里長寸心無遠近邊  
地有風霜勉哉勤歲暮敬矣慎容光山中殊未擇程  
若空自芳 齊謝朓別王僧孺詩曰花樹雜爲錦月  
池皎如練如何當此特別離言與宴非君不見思所  
悲思不見 又與江水曹詩曰山中上芳月故人清  
樽賞遠山翠百重迴流映千丈花枝聚如雪垂藤散  
猶網別後能相思何嗟異風壤 又離夜詩曰玉繩  
隱高樹斜漢映曾臺離堂華燭盡別幌清琴哀翻潮  
尚知恨客思眇難裁山川不可夢况乃故人杯 又  
將發石頭上烽火樓詩曰徘徊戀皇邑躑躅躑曾阿



陵高堦闕近眺迥風雲多荆吳阻山岫江海合瀾波  
歸飛無羽翼其如離別何 又新亭渚別范雲詩曰  
洞庭張樂地蕭湘帝子遊雲去蒼梧野水還江漢流  
停驂我悵望輟棹子夷猶廣平聽方籍茂陵將見求  
心事俱已矣江上徒離憂 齊虞羲送友人上湘詩  
曰濡足送征人褰裳臨水路共盈一樽酒對之愁目  
暮漢廣雖容舸風悲未可渡佳期難再得願但論心  
故沅水日生波芳洲行墜露共知丘壑改同無金石  
固 齊劉繪送別詩曰春蒲方解籜弱柳向低風相  
思將安寄悵望南飛鴻 齊張融別詩曰白雲山上

盡清風松下歇欲識離人悲孤臺見明月 梁昭明  
春日宴晉熙王詩曰百六鍾期數三七厄時中國難  
悲如燬親離歡數窮潘哲遊沮夢揚化撫邊戎幸茲  
同宴醕引滿愛樽空 梁簡文帝餞廬陵內史王修  
應令詩曰餞行臨上節開筵命羽觴迴池瀉飛棟濃  
雲垂畫堂踈槐未合影仄日暫流光園梅斂新艷階  
蕙結初芳 又餞別詩曰行樂出南皮宴餞臨華池  
籥解篁開節花闇鳥迷枝牕陰隨影度水色帶風移  
徒命銜杯酒終成憫別離 又送別詩曰行行異沂  
海依依別路岐水苔隨纜聚岸柳拂舟垂石菌生懸

葉江槎流臥枝燭盡悲宵去酒滿惜將離 又傷離  
新體詩曰傷離復傷離別後情鬱紆悽悽隱去棹憫  
憫愴還途感感意不申轉顧獨霑襟前驅經御宿後  
騎歷河湑胡香翼還憶清笳送後塵落日斜飛蓋餘  
暉承畫輪柳影長橫路槐枝深隱人桂宮夕掩銅龍  
扉甲館宵垂雲母幃龍隴月色上的的夜螢飛草香  
襲余袂露灑霑人衣帶堞凌城雲亂聚排枝度葉鳥  
爭歸盆中浮蟻不能酌琴間玉徽調別鶴別鶴千里  
別離聲絃調軫急心自驚試起登南樓還向華池遊  
前時條生今欲合近日栽荷尚不抽猶是銜杯共賞

處今茲對此獨生愁樓高望曖曖山川自分態偃師  
雖北連轅轅已南背遠聽寂無聞遙瞻目有閔含毫  
意不迷長歎情無賴 梁沈約侍宴謝朓宅餞東歸  
應詔詩曰皇情悵東離羽旆拂南廛夏雲清朝景秋  
風揚早蟬飲和陪下席論道光上筵 又侍宴樂遊  
苑餞徐州刺史應詔詩曰沃若動龍驂參差凝鳳管  
金塘草未合玉池泉將滿 又侍宴樂遊苑餞呂僧  
珍應詔詩曰丹浦非樂戰負重切君臨我皇蘊至德  
忘已用堯心愍茲區宇內魚鳥失飛沈推轂二嶠道  
揚旆九河陰超乘盡三屬選士皆百金戎車出細柳

餞席樽上林命師誅後服授律緩前禽函輟方解帶  
曉武稍披衿伐罪芒山曲弔民伊水潯將陪告成禮  
待此未抽簪 又別范安詩曰平生少年日分手易  
前期及爾同衰暮非復別離時勿言一樽酒明日難  
共持夢中不識路何以慰相思 又送友人別詩曰  
君東我亦西銜悲涕如霰浮雲一南北何由展言宴  
方作異鄉人贈子同心扇遙裔發海鴻連翩出簷燕  
春秋更去來參差不相見 又別謝文學詩曰漢池  
水如帶巫山雲似蓋一望沮漳水寧思江海會以我  
徑寸心從君千里外 梁丘遲侍宴樂遊苑餞徐州

刺史應詔詩曰詰旦闔闔開馳道聞鳳吹輕裘承玉  
輦細草藉龍騎風遲山尚響雨息雲猶清巢空初鳥  
飛荇亂新魚戲寔惟北門重匪親孰爲寄參差別念  
舉肅穆恩波被小臣信多幸投生豈酬義 梁范雲  
之零陵邵次新亭詩曰江干遠樹浮天末孤煙起江  
天自如合煙樹還相似滄流未可源高飄去何已  
又別詩曰洛陽城東西長作經時別昔去雪如花今  
來花似雪 又送沈記室夜別詩曰桂水澄夜氛楚  
山清曉雲秋風兩鄉怨秋月千里分寒芝寧共採霜  
猿行獨聞捫蘿正憶我折桂方思君 又別詩曰孤

煙起新豐候鴈出雲中草低金城霧木下玉門風別  
君河初滿思君月屢空折桂衡山北摘蘭沅水東蘭  
摘心焉寄桂折意誰通 梁江淹貽袁常侍詩曰昔  
我別楚水秋月麗秋天今君客吳坂春日媚春泉幽  
冀生碧草沅湘含翠煙鏤鏤霞上景惜惜雲外山涉  
江竟何望留滯空採蓮 又臨秋怨別詩曰四時煎  
日夜玉露催紫榮始懷未及歎春意秋方驚涼草散  
螢色衰樹斂蟬聲承君客江潭先愁鴻鴈鳴吳山饒  
離袂楚水多別情金碧堅不滅桂華蘭有英但見一  
葉落哀恨方未平 又擬古雜體詩曰遠與君別者

乃至鴈門關黃雲蔽千里遊子何時還送君如昨日  
簷前露已團不惜蕙草晚所悲道里寒君行在天涯  
妾身長別離願一見顏色不異瓊樹枝菟絲及水萍  
所寄終不移 梁任昉詩曰離燭有窮輝別念無終  
緒岐言未及申離日已先舉揆景巫衡阿臨風長楸  
渚浮雲難嗣音徘徊悵誰與儻有關外驛聊訪狎鷗  
渚 梁王僧孺送殷何兩記室詩曰掩袖出南浦驅  
車送上征飄飄曉雲馭漾漾日潮平不肖余何惜無  
貲是勿輕儻有還書使一言訪死生 梁庾肩吾侍  
宴餞湘東王詩曰陳王從遊士高宴入承華並載同

連璧雕文類簡沙落後時動樹墜雪暫搖花念此離  
筵促方愁別路賒 又侍宴餞湘州刺史張續詩曰  
洞庭資善政層城送遠離九歌揚妙曲八桂動芳枝  
雨足飛春殿雲峯入夏池郢路方遼遠湘山轉蔽虧  
何當好風日極望長沙垂 又餞張孝總應令詩曰  
層臺臨迴漲耿耿青煙上欲送分符人翻似河隄望  
寒雲暗積水秋雨蒙重嶂別念動神衿華文切離貺  
慙無寡和曲空陪郢中唱 又應令詩曰江上早寒  
生蕭條鏡管清別筵開帳殿離舟卷幔城前山黃葉  
起對岸白沙驚臨渦同極望竊吹愧才輕 又侍宴

餞東陽太守范子雲詩曰東部資良守北宮敦獻酬  
新枝漸接樹故凍欲含流早花少餘雪春寒極晚秋  
徒嗟白岸遠空想赤松遊 又新林送劉之遴詩曰  
旆轉黃山路舟纜白馬津送輪時合憶分驂各背塵  
常山喜臨代隴頭悲望秦欲持漢中策還以贈征人  
梁朱超道別席中兵詩曰數年共遊息一旦各聯  
翩莫論行近遠終是隔山川長波漫不極高岫鬱相  
連急風亂還鳥輕寒靜暮蟬扁舟已入浪孤帆漸逼  
天停車對空渚長望轉依然 梁吳筠送呂外兵詩  
曰白雲浮海際明月落河濱送君長歎息徒使淚霑

巾 又別夏侯故章詩曰白馬黃金羈青驪紫絲鞵  
新知關山別故人河梁送置此一函書為余達雲夢

又酬別詩曰故人杯酒別天清明月亮露下寒葭  
中風起秋江上衣染潺湲泣棹犯參差浪七首直干

金七寶雕葉狀生離何用表賴此持相餉 又別王  
謙詩曰嚴光不遂世流轉任飛蓬欲還天台嶺不狎

甘泉宮離歌玉絃絕別酒金卮空儻遺故人念僕在  
東山東 又贈搖郎詩曰星漢正參差佳人不在斯

宿昔暫乖阻何異遠分離露染薜蘿葉日照芄蘭枝  
風光已飄薄雲采復逶迤勞夢無人覺默默心自知

又贈別詩曰客子慘無歡送別江之干白雲方  
秋黃鳥尚關關糾紛巫山石合沓洞庭瀾行衣使曉

露征舠犯夜湍無因停合浦見此去珠還 又贈別  
詩曰樹響浹山來援聲繞岫急旅帆風飄揚行巾露

沾濕深浪聞兼葭濃雲沒城邑不見別離人獨有相  
悲泣 又贈別詩曰君留朱門裏我至廣江濱戒高

臺猶見風多聽不聞流蘋方繞繞落葉尚紛紛無由  
得共賞山川問白雲 梁何遜與胡興安夜別詩曰

活人行轉軾客子暫維舟念此一筵笑分為兩地愁  
露濕寒塘草月快清淮流方抱新離悵獨守故園秋

露濕寒塘草月快清淮流方抱新離悵獨守故園秋

又從鎮江州與遊故別詩曰歷稔共追遊一旦辭  
羣匹復如東流水未有西歸日夜雨滴空階曉燈暗  
室相悲各罷酒何時更促膝 梁蕭琛別詩曰落  
總行纒薄別在江干遊客無淹期晨川有急瀾分  
信云易相思誠獨難之子兩特達伊余日盤桓俟  
式微歲共賞階前蘭 梁王筠侍宴餞臨川王北  
應詔詩曰金版韜英玉牒蘊精帝德乃武王威有  
習弧矢夏陳干戚周鷺戎車漢馳羽檄我皇俊  
下年鍾武德洞十門威加八柱金正圯德水行失  
焉南牧戎徒西保荐食伊瀍整居豐鎬金闕揚

塵銅臺茂草命彼膳夫爰詔協律樂賦出車茲操青  
日玉饌駢羅瓊漿泛溢聖德温温賓儀秩秩 梁蕭  
子範侍宴餞陸倕應令詩曰儲皇餞離送廣命傅羽  
觴侍遊追曲水閑宴等清漳新泉已激浪初卉始含  
芳雨罷葉增綠日斜樹影長 梁劉孝綽侍宴餞庾  
於陵應詔詩曰皇心眷將遠悵餞靈芝側是日青春  
獻林塘多秀色芳卉疑綸組嘉樹似雕飾遊絲綴鶯  
領光風送綺翼下輦朝旣盈留宴景將曷高辯競談  
端奇文爭筆力伊臣獨無伎何山奉吹息 又侍宴  
餞張惠紹應詔詩曰滄池誠自廣蓬山一何峻麗景

花上鮮油雲葉裏潤風度餘芳滿鳥集新條振餞言  
班俊造光私獎輜舛徒然謬反隅何以窺重仞 又  
侍離宴詩曰輾轅東北望江漢西南水羽旗映日移  
鏡吹臨風警令王愍追送纜舟餞俄頃掩袂望征雲  
銜杯惜餘景首燕徒有心苟步何由騁 又應令詩  
曰鮮雲積上月凍雨晦初陽迴風飄淑氣落景換新  
光竹萌始防露桂挺已含芳瑤塔變柱若玉沼發攢  
蔣聖袞惜岐路曲宴闌蘭堂 又江津寄劉之遴詩  
曰與子如黃鵠將別復徘徊經過一柱觀出入三休  
臺共攜雲氣藻同舉霞文杯佳人每曉遊禁門恒晚

開欲寄一言別高駕何由來

梁宗夬詩曰別酒正

參差乖情將陸離悵焉臨桂苑愍默瞻華池輕雲流  
惠采時雨亂清漪眇眇追蘭徑悠悠結芳枝眷言終  
何託心寄方在斯 梁劉顯發新林浦贈同省詩曰  
迴首望歸途山川邈離異落日懸秋浦歸鳥飛相次  
感物傷我情惆悵懷親懿 梁劉孺侍宴餞新安太  
守蕭幾應令詩曰芝殿延薄景畫室寫油雲玄覽多  
該洽聖思究前聞微密探精義優游妙典墳飲餞參  
多士言贈賦新文 梁張纘侍宴餞東陽太守蕭子  
雲詩曰仲月發初陽輕寒帶春序淥池解餘凍丹霞



齊新雨良守謁承明祖舟成蘭渚皇儲惜將邁金樽  
留宴醕 周王褒入關故人送別詩曰百年餘古樹  
千里聞黃塵關山行就近相看成遠人 又別陸才  
子詩曰解纜出南浦征棹且凌晨還看分手處唯餘  
送別人中流搖蓋影邊江落騎塵平湖開曙日細柳  
發新春滄波不可望行雲聊共因 又別王都官詩  
曰連翩憫流水悽愴惜離羣東西御溝水南北會稽  
雲河橋兩隄絕橫岐數路分山川遙不見懷袖遠相  
聞 周庾信應令詩曰望別非新館開舟卽舊灣浦  
宣征棹發亭空送客還路塵猶向水征帆獨背關

又和保法師曰秦關望楚路灞岸想江潭幾人應落  
淚看君馬向南 又和侃法師詩曰客遊經歲月羈  
旅故情多近學衡陽鴈秋分俱度河 又和侃法師  
詩曰迴首河隄望眷眷嗟離絕誰言舊國人到在他  
鄉別 又寄王琳詩曰玉關道路遠金陵信使踈獨  
下千行淚開君萬里書 又別周弘正詩曰扶風石  
橋北函谷故關前此中一分手相逢知幾年黃鶴一  
反顧徘徊戀愴然自知悲不已徒勞減瑟絃 陳周  
弘正隴頭送征客詩曰朝霜侵漠草流沙度隴飛一  
聞流水曲行住兩霑衣 又答林法師詩曰客行七

十歲歲暮遠徂征寒雲結不解隴水凍無聲君看日  
近遠爲村長安成 陳徐陵新亭送別應令詩曰鳳  
吹臨伊水時駕出河梁野燎村田黑江秋岸荻黃隔  
城聞上鼓迴洲隱去櫂神襟愛遠別流睇極清漳  
又別毛永嘉詩曰願子厲清規歸來振羽儀嗟余今  
老病此別恐長離白馬君來哭黃泉我詎知徒勞脫  
寶劍空挂隴頭枝 陳張正見征虜亭送新安王應  
令詩曰鳳吹臨南浦神駕餞東平亭迴漳水乘旂轉  
洛濱笙地凍班輪響風嚴羽蓋輕燒田雲色暗古樹  
雪花明岐路一迴首流襟動眷情 又秋日別庾正

員詩曰征途愁轉旆連騎慘停鑣朔氣凌踈木江風  
送上潮青雀離帆遠朱鳶別路遙唯有當秋月夜夜  
上河橋 陳陰鏗送始興王詩曰良守別承明枉道  
暫逢迎去帆收錦紵歸騎指蘭城紛紜連山暗潺湲  
派水清桂晚花方白蓮秋葉始輕背飛傷客念臨岐  
憫聖情分風不得遠何由送上征 又江津送劉光  
祿不及詩曰依然臨送渚長望倚河津鼓聲隨聽絕  
帆勢與雲鄰泊處空餘鳥離亭已散人林寒正下葉  
釣晚欲收綸如何相背遠江漢與城闈 又廣陵岸  
送北使詩曰行人引去節送客艤歸艫卽是觀濤處

仍爲郊贈衢汀洲浪已息邗江路不紆亭嘶背櫪馬  
檣轉向風鳥海上春雲雜天際晚帆孤離舟對零雨  
別渚望飛鳧定知能下淚非但一楊朱 陳江總別  
袁昌州詩曰河梁望櫳頭分手路悠悠徂年驚若電  
別日欲成秋黃鵠飛飛遠青山去去愁不言雲雨散  
更似東西流 又賦得携手上河梁應詔詩曰早秋  
天氣涼分手關山長雲愁數處黑木落幾枝黃鳥歸  
猶識路流去不知鄉秦川心斷絕何悟是河梁 又  
別袁昌州詩曰客子歎途窮此別異西東關山嗟墜  
葉岐路憫征蓬別鶴聲聲遠愁雲處處同 又別賓  
化侯詩曰分岐泣世道念別傷邊秋斷山時結霧平  
海若無流驚鷺一羣起哀猿數處愁是日送歸客爲  
情自可求 又別永新侯詩曰送君張掖郡分悲函  
谷關欲知腸斷絕浮雲去不還

唐類函卷一百四十

唐類函卷一百四十一

明東吳俞安期彙纂

明雲間章台鼎校訂

別下

贈荅

人部二十一

別下 藝文類聚

魏文帝離居賦曰惟離居之可悲政獨處于空牀  
愁耿耿而不寐歷冬夜之悠長驚風厲於閨闥忽增  
激於中房動帷裳之晻曖彼明燭之無光 又感離  
賦曰建安十六年上西征余居守老母諸弟皆從不  
勝思慕乃作賦曰秋風動兮天氣涼居常不快兮中

心傷出北園兮彷徨望衆墓兮成行柯條憐兮無色  
綠草變兮萎黃脫微霜兮零落隨風雨兮飛揚日薄  
暮兮無悰思不衰兮愈多招延佇兮良久忽踟躕兮  
忘家 又永思賦曰仰北辰而永思泝悲風以增傷  
哀遐路之漫漫痛長河之無梁願託乘於浮雲嗟逝  
速之難當 魏曹植愍志賦曰或人有好鄰人之女  
者時無良媒禮不成焉彼女遂行適人有言之於余  
者余心感焉乃作賦曰竊託音於往昔迄來春之不  
從思同遊而無路情壅隔而靡通哀莫哀於永絕悲  
莫悲於生離豈良時之難俟痛余質之日虧登高樓

以臨下望所歡之攸居去君子之清宇歸小人之蓬  
廬欲輕飛而從之迫禮防之我拘 又歸思賦曰背  
故鄉而遷徂將遙憇乎北濱經平常之舊居感荒壤  
而莫振城邑寂以空虛草木穢而荆榛嗟喬木之無  
陰處原野其何爲信樂土之足慕忽并日而載馳  
晉陸機別賦曰伊公子之可懷悲永別之局期悼同  
居之無樂曾不踰乎一暮經春秋之寒暑常戚戚而  
不怡登九層而脩觀超臨遠以相思 晉傅咸感別  
賦曰嘉天地之交泰美萬物之會通悅朋友之攸攝  
慕管鮑之遐蹤退以文而會友欽公子之清塵信同

聲之相應意未寫而情親誓稚好之齟齬分綢繆而  
日新蘭蕙含芬有時而馨龍驥踠足有時而征乾道  
變化時惟大明峩峩睦友載揚厥聲降聖宰之旌招  
曜羽儀之上京贊唐虞之嘉運超飛躍乎太清佩銀  
璜於帝側拖紫艾於天庭瞻宸極之眇眇喜吾子之  
寵榮無荆玉之夜觀猥齊景於夜光敢有覬於斯舉  
欣與子而並翔天啓其願自黍蘋繁勿則同遊長則  
同班同心厥職其臭如蘭庶績未凝聖朝疇咨顯佐  
納言光綜萬機出順景而爲偶入閭然而無依步虛  
宇以低迴想宴笑之餘暉意躔綿而彌結淚雨回而

霑衣 梁江淹別賦曰黯然銷魂者唯別而已矣況  
秦吳兮絕國復燕宋兮千里或春苔兮始生乍秋風  
兮暫起是以行子腸斷百感悽惻風蕭蕭而異響雲  
漫漫兮奇色舟凝滯於水濱車透遲於山側棹容與  
而未前馬寒鳴而不息掩金觴而誰御橫玉柱而霑  
軾居人愁臥恍若有亡日下壁而沈彩月上軒而飛  
光知離夢之躑躅意離魂之飛揚爾乃別雖一緒事  
乃萬族至若龍馬銀鞍朱軒繡軸悵飲東都送客金  
谷琴羽張兮簫鼓陳燕趙歌兮傷美人珠與玉兮艷  
暮秋羅與綺兮嬌上春造分手而銜涕感寂寞而傷

人部 卷一百四十一  
神乃有劔客慙恩少年報士韓國趙廁吳宮燕市驅  
征馬而不顧見行塵之時起又若君居淄右妾家河  
陽動瓊珮之晨照共金爐之夕香君結綬兮千里惜  
瑤草之徒芳慙幽宮之琴瑟悔臺上之流黃春闈闕  
此青苔色秋帳涵茲明月光夏簟清兮晝不暮冬缸  
凝今夜何長織錦曲兮泣已盡迴文詩兮影獨傷自  
以別方不定別理千名有別必怨有怨必盈使人意  
奪神駭心摧骨驚 又去故鄉賦曰日已暮兮隱吳  
山之丘墟北風折兮絳花落流水散兮翠莖踈發桂  
枝而不見悵浮雲之離居乃凌大壑越蒼淵茫茫積

水淩淩斷山窮陰近海平蕪帶天於是泣故關之已  
虛傷故國之無際出汀洲而解冠入溆浦而捐袂芳  
洲之草行欲暮桂水之波不可渡絕世獨立兮報君  
子之一顧是時霜翦蕙兮風摧芷平原晚兮黃霧起  
重曰江南之杜衡兮色已陳願使黃鵠兮報佳人橫  
羽觴而掩望撫玉琴兮何親 梁劉孝儀歎別賦曰  
在羈旅兮爲思每居常而不樂意難偕於駘蕩情易  
邀於隕穫愁非和而自來憂試排而不却退求已以  
自省慨撫衿而太息位不俟於一進髮徒彰於二色  
名有似於務耕學無均於譬織在初歸之爲慶庶因

拙而自收保私庭之宴喜共昆弟而嬉遊校小文於  
搖筆北指式於臨流止每歡於接膝行如喜於同軌  
忽一去而數千遂離居而別域阻同被於當寐乖共  
餐於終食唯憑遠望以代歸負相思其無力 梁張  
纘離別賦曰大常劉侯前輩宿達余在統綺之歲固  
已欽其風矣及理棹江干攬涕還望采蕭之詠不覺  
成篇彼劉侯之矯矯承世德之清輝挺荆衡之箇籥  
輝江漢之珠璣昔相知於一定逾盛衰乎二紀豈因  
媒以成親非彈冠而來仕分自諧於金石情真符乎  
蘭芷忘時輩之後先略相知之年齒及胥遇於雲閣  
又方駕而聯曹宵擁衾而暗語晝稅鞅以遊遨案方  
前而等食衣共體而同袍猶合歡之蠲忿如來蘇之  
釋勞唯吾人之與子兮諒不言其已名在百代而奚  
殊雖千年而同調寧風波之所移豈流俗之能要非  
高唱而云擬逢下士而或笑隔願言於信次尚眷眷  
而興懷矧雲崖之遠訣抱離袖而長乖顧龍門而掩  
涕瞻郢路而何借在驚禽之屢感迫徂年之長暮眺  
湘沅之分流遵洞庭之永路山峻高而易隱浦迢迢  
而難泝爰啾啾而夜吟鶻騷騷而曉度撫客子兮其  
何心能辭鄉兮別故共抱荃蕙之遺芳共離披於霜



露

書漢李陵與蘇武書曰子卿名聲冠於圖籍分義光于二國形影表于丹青爵祿傳于王室家獲無窮之寵永明白于千載夫行志志立求仁得仁雖遭困厄死而後已將何恨哉陵前提步卒五千深入匈奴右地三千餘里雖身降名辱下計其功豈不足以免老母之命耶嗟乎子卿世事謬矣功者福至今為禍先忠者義本今為重患是以彭蠡赴流屈原泥身子欲居九夷此不由感怨之志即行矣子卿恩若一體分為二朝悠悠永絕何可為思人殊俗異死生斷絕何

由復達漢蘇武報李陵書曰曩以人之奉使方外至使遐夷作逆封豕造孽豺狼出爪摧辱王命身幽於無人之處跡戢於胡塞之地軟朝露以為飲茹出鼠以為糧窮目極望不見所識側耳遠聽不聞人聲當此之時生不足甘死不足惡所以忍困強存徒念忠義雖誘僕以隆爵厚寵萬金之利不以滑其慮也迫以白刃在頸鐵鑕在喉不以動其心也何則志定於不回期誓於歿命幸賴聖明遠垂拯贖得使入湯之禽復假羽毛刖斷之足復蒙連續每念足下才為世英器為時出語日夜行被繡不足為榮况於家室

八部 卷一百四十一 六  
孤滅棄在絕域衣則異制食味不均棄捐功名雖尚  
視息與亡無異向使君服節歿難書功竹帛傳名千  
代茅上之封永在不朽不亦休哉嗟乎李卿事已去  
矣失之毫釐差之千里將復何言所貶重遺義當順  
承本爲一體今爲異俗余歸漢室子留彼國臣無境  
外之交故不當受乖離邈矣相見未期國別俗殊死  
生隔絕岱馬越鳥能不依依謹奉荅報并還所贈  
李陵重報書曰子卿足下勤宣令德策名清時榮問  
休暢幸甚幸甚遠託異國昔人所悲望風懷想能不  
依依自從初降以至今日身之困窮獨坐愁苦終日

無覩但見異類韋韞義幙以御風雨羶肉酪漿以充  
饑渴舉目言笑誰與爲歡涼秋九月塞外草衰夜不  
能寐側耳遠聽胡笳互動牧馬悲鳴吟嘯成羣聽之  
不覺淚下與子別後邊聲四起晨坐益復無聊身負  
國恩爲世所悲子歸受榮我留受辱命也何如身出  
禮義之鄉入無知之俗每一念至忽然忘生陵不難  
刺心以自明刎頸以見志顧國家於我已矣殺身無  
益適足增羞左右之人見陵如此爲不入耳之歡來  
相勸勉異方之樂祇令人悲增忉怛爾子卿視陵豈  
偷生之士而惜死之人哉誠以虛死不如立節滅名

不如報德也昔范蠡不殉會稽之恥曹沫不死三敗之辱卒復勾踐之讐報魯國之羞區區之心竊慕此爾足下又云漢於功臣不薄子爲漢臣安得不云爾乎足下昔以單車之使適萬乘之虜丁年奉使皓首而歸老母終堂生妻去室此天下所希聞古今所未有聞子之歸賜不過二百萬位不過典屬國子尚如此陵復何望哉且漢厚誅陵以不死薄賞子以守節欲使遠聽之臣望風馳命此實難矣男兒生以不成名歿則葬蠻夷中誰復能屈身稽顙廻向北闕使刀筆之吏弄其文墨耶嗟乎子卿夫復何言相去萬里

人絕路殊生爲別世之人歿爲異域之鬼長與足下生歿辭矣後漢張奐與延篤書曰唯別三年無一日之忘京師禁急不敢相聞豈不懷歸畏此簡書年老氣衰智盡謀索每有所處違宜失便北爲兒車所讐中爲馬循所困真欲入三泉之下復鎮之以大石厄乎此時也且太陰之地冰厚三尺木皮三寸風寒慘烈剝肌傷骨但此自非老憊者所堪而復加之以師旅因之以饑饉衆難聚集不可一二言也聾盲日甚氣力淺衰神叩當復相見者從此辭矣晉趙景真與稽茂齊書曰昔李叟入秦及關而歎梁生適越

登岳長謠夫以嘉遯之舉猶懷戀恨况乎不得已者  
哉惟別之後離羣獨逝背榮宴辭倫好經迴路造沙  
漠鳴雞戒旦則飄爾晨征日薄西山則馬首靡託或  
乃迴颺狂厲白日寢光崎嶇交錯陵隰相望涉澤求  
蹊披榛覓路嘯詠溝渠良不可度斯亦行路之艱難  
然非吾心之所懼也又北土之性難以託根投人夜  
光鮮不案劔今將植橘柚於玄朔帶華藕於脩陵表  
龍章於裸壤奏韶武於龔俗固難以取貴矣朝霞啟  
暉則身疲於遄征太陽戢曜則情劬於夕惕思躡雲  
梯橫奮八極披艱掃穢蕩海夷岳蹴崑崙使西倒踏

泰山今東覆平滌九區恢廓宇宙斯亦吾心之鄙願  
也時不我與垂翼遠逝鋒鋌靡加六翮摧頹自非樂  
天知命誰能不憤悒者哉吾子植根芳苑擢秀清流  
榮耀眩其前艷色餌其後良儔交其左聲名馳其右  
翱翔倫黨之間弄姿帷房之裏從容顧眄綽有餘裕  
俯仰吟嘯自以為得志矣豈能與吾同大丈夫之憂  
樂哉去矣嵇生永離隔矣笑笑飄寄臨沙漠矣悠悠  
三千路難涉矣執手之期邈無日矣思心彌結誰云  
釋矣無金玉爾音而有遐心身雖吳越意存斷金  
晉稽茂齊荅趙景真書曰登山遠望覩嶧嶒以成憤

策杖廣澤瞻長波以增悲遊眄春圃情有秋林之悴  
濯足夏流心懷冬水之慘對榮宴而不樂臨清觴而  
無歡今足下琬琰之朴未剖而求光時之價騏驥之  
足未攄而希絕景之功心銳而動淺望速而應遲故  
有企佇之懷爾夫處靜不悶古人所貴窮而不濫君  
子之美故顏生居陋不改其樂孔父困陳絃歌不廢  
幸吾子思弘遠理舍道自榮將與足下交伯成於窮  
野結箕山乎蓬屋侶范生於海濱儔黃綺於商岳憑  
輕雲以絕馳遊曠蕩以自足雖不齊足下之所樂亦  
吾心之所願也 梁簡文帝與劉孝綽書曰執別灞

柁嗣音阻闊合璧不停旋灰屢徙玉霜夜下旅鴈晨  
飛想涼燠得宜時候無爽既官寺務煩簿領殷湊等  
張釋之條理同于公之明察雕龍之才本傳靈虵之  
譽自高頗得暇逸於篇章從容於文諷頃擁旄西邁  
載離寒暑曉河未落拂桂棹而先征夕鳥歸林懸孤  
帆而未息足使邊心憤薄鄉思遄迴但離闊已久載  
勞寤寐佇聞還驛以慰相思 與蕭臨川書曰零雨  
送秋輕寒迎節江楓曉落林葉初黃登舟已積殊足  
勞止解維金關定在何日八區內侍厭直御史之廬  
九棘外府且息官曹之務應分竹南川剖符千里但

黑水初旋未申十千之飲桂宮既啓復乖雙闕之宴  
文雅縱橫卽事分阻清夜西園眇然未尅想征艫而  
結歎望挂席而霑衿若使弘農書疏脫還鄴下河南  
口占儻歸鄉里必遲青泥之封且觀朱明之詩白雲  
在天蒼波無極瞻之岐路眷慨良深愛護波潮敬勗  
光彩 梁元帝與蕭挹書曰闊別清顏忽焉已久未  
復音信勞望情深暑氣方隆恒保清善握蘭雲閣解  
綬龍樓允膺妙選良爲幸甚想同僚多士方駕連曹  
雅步南宮容與自玩上衡已後唯在茲日唯昆與季  
文藻相暉二陸三張豈獨擅美比暇日無事時復含

毫頗有賦詩別當相簡但衡巫峻極漢水悠長何時  
把袂共披心腹 梁劉孝標荅郭峙書曰聞君子舊  
矣但人非豕鹿轉加蓬逝波駭兩散動間山川故無  
由交羽觴薦雜佩睨浮雲以搔首臨清風而浩歌變  
燧迴星亦云勞止 周王褒與周弘讓書曰嗣宗窮  
途楊朱岐路征蓬長逝流水不歸南北殊方炎涼異  
節木皮春厚桂樹冬榮攝衛惟宜動靜多豫賢兄入  
關敬承闊曲猶依杜陵之水尚保東陂之田鏟跡幽  
蹊銷聲窮谷何其愉樂幸甚幸甚弟昔因多疾亟覽  
九仙之方晚涉世途猶懷五岳之舉頃年事適盡容

髮衰謝芸其黃矣零落無時還念生涯繁憂總集視  
 陰惕日類趙孟之徂年負杖行吟同劉琨之積慘河  
 陽北遊空思鞏洛灞陵南望唯見長安所貴書生之  
 竟還依舊里射聲之鬼無恨他鄉浮雲在天邈無由  
 矣會見之期長無日矣援筆攬紙龍鍾橫集 陳周  
 弘讓荅王褒書曰甚矣悲哉此之為別也雲飛泥沈  
 金鑠蘭滅玉音不嗣瑤華莫因家兄至自鎬京致來  
 書於窮谷故人之跡有如對面開題申紙流臉露膝  
 與弟分袂西陝言反東區雖保周陂還依蔣徑三荆  
 離坼二仲不歸麋鹿為曹更多悲緒丹經在握貧病

莫諧芝朮可求聊因採掇昔吾壯日及第富年俱值  
 邕熙竝歡衡泌南風雅操清觴妙曲弦琴促坐無乏  
 夕晨玉瀝金華冀獲難老不虞一旦翻覆波瀾吾已  
 惴陰弟非茂齒禽尚之契各在天涯永念生平難為  
 胸臆正當視陰數箭排愁破涕人生樂爾憂戚何為  
 願愛玉體珍金相保期願享壽考黃髮猶冀蒼鴈頰  
 鯉時傳尺素清風朗月但寄相思搦管操觚聲淚俱  
 咽 陳徐陵荅尹義尚書曰別離二國雲雨十年心  
 想河陽言銅爵而無遠神遊漳水與金鳳而俱飛弟  
 留連河北義等周南懷此殊才實可傷歎吾唵噫既

人部 卷一百四十一  
暮容鬢凋然風氣彌留砭藥無損追惟疇昔共備行  
人家國安危賓禮升降懸壺代哭俱歷春冬移管子  
箕同茲辛苦鳴蜩抱樹亟見藏冰歸鴈銜蘆多歷寒  
食靖言念此如何可忘夫以擁腫之木得免因於不  
才殼觶之牛自保出於無用嗟余鄙陋未有龔生唯  
歎吾賢不同遽瑗爾夫推溝拯溺無切皇哀逸翮飄  
鱗見優機覽所以降尺一之書馳輜軒之使心期與  
國必遂還途寧謂親鄰更成難請伊昔梁朝共奉嘉  
聘張茲大帛處彼高閣庭奏歌鍾座延嬌眄賓客之  
叙方於階降田獵之禽同於君膳正以鄉關阻亂致

爾拘留家國隆平義應旋反韓宣屢至宰孔頻還翻  
爾遲迴豈云鄰睦

○贈答藝文類聚

毛詩曰無言不訓 又序曰周公乃爲詩以貽王名  
之曰鳴鴉焉 又尹吉甫作頌曰其詩孔碩其風肆  
好以贈申伯 晏子曰曾子將行晏子送之曰君子  
贈人以軒不如贈人以言 孫卿子曰贈人以言重  
於金石珠玉勸人以言美於黼黻文章聽人以言樂  
於鐘鼓琴瑟 莊子曰凡交近則相靡以信遠則忠  
之以言 韓子曰鄭人有遺燕相書者謂持燭者曰



舉燭而過書舉燭燕相受書而悅之曰舉燭者高明

也詳書穆天子傳曰穆王饗西王母於瑤池之上上

賦詩往來辭義可觀史記曰孔子適周見老子辭

去老子送之曰請送子以言詳別漢書曰古者諸侯

卿大夫交接隣國以微言相感當揖讓之時必稱詩

以喻其志又曰陳遵為河南太守既至官治私書

謝京師親故數百封親疎各有意詳書文士傳曰桓

麟伯父烏官至太尉麟年十二在座焉告客曰吾此

弟子知有異才殊能作詩賦客乃為詩曰甘羅十二

揚烏九齡昔有二子今則桓生麟即應聲答曰邈矣

甘羅超等絕倫伊彼楊烏命世稱賢嗟予蠢弱殊才

偉年仰慙二子俯媿過言漢雜事曰高彪謁馬融

辭疾不見彪覆刺與書曰聞高風為日久矣故不待

介者造君子之門冀一見龍光叙腹心之願不圖辭

之以疾昔者周公兄父文武九命作伯以君華夏猶

握沐吐餐以按白屋之士天下歸德歷載邈矣今君

不能相見宜哉融省書大慙遣人辭謝追請徑去不

還蜀志曰馬良使吳良謂諸葛亮曰今銜國命協

睦二家幸為良介於孫將軍亮曰君試自為文良即

為草曰寡君遣掾馬良通聘繼好以紹昆吾豕韋之

贈答

歎其人吉士荆楚之令鮮於造次之華而有克終之  
 美願降心有納以慰將命權大悅之 會稽典錄曰  
 陳業少特操沛國桓儼當世英俊避地會稽聞業高  
 節欲與相見終不獲後儼浮海南入交州臨去遺書  
 與業曰不因行李以係山陰白樓日從容養高動靜  
 履直季世多艱爰適樂土聞高風飢渴語言知乃深  
 隱邈然終時求仁斯得勤而無憾齊蹤古賢何其優  
 哉 先賢行狀曰杜安入太學時號曰神童時貴戚  
 多有與書者不輒發常鑿壁藏書 詳藏書 荀氏家傳  
 曰荀勗蜀平之後遣使通吳司馬文王用公所作書

與孫皓皓報命和親王謂公曰君前作書使吳思順  
 勝十萬之衆也 文章叙錄曰杜摯與母丘儉鄉里  
 相親故為詩與儉求仙人藥一丸欲以感切儉求助  
 也 楚辭曰結微情以陳辭兮矯以遺夫美人  
**詩**後漢蔡邕答對元式詩曰伊余有行爰戾茲邦先  
 進博學同類率從濟濟羣彥如雲如龍君子博文貽  
 我德音辭之集矣穆如清風 又答卜元嗣詩曰斌  
 斌碩人貽我以文辱此休辭非余所希敢不酬答賦  
 誦以歸 魏王粲贈蔡子篤詩曰悠悠世路亂離多  
 阻濟岱江衡邈焉異處風流雲散一别如雨 魏徐

幹答劉楨詩曰與子別無幾所經未一句我思一何  
 篤其愁如三春雖路在咫尺難涉如九關陶陶朱夏  
 別草木昌且繁 魏應場報趙淑麗詩曰朝雲不散  
 久結成陰離群猶宿不思長吟有鳥孤栖哀鳴北林  
 嗟我懷矣感物傷情 魏繁欽贈梅公明詩曰瞻我  
 北園有條者桑遭此春景既茂且長氤氳吐葉柔潤  
 有光黃條蔓衍青鳥來翔日月其邁時不可忘公子  
 瞻旃敷名乃彰 魏程曉贈傅休奕詩曰粼粼獨夫  
 寂寂靜處酒不盈觴肴不掩俎厥客伊何許由巢父  
 厥醴伊何玄酒瓠脯 又贈傅休奕詩曰三光飛景

玉衡代邁龍集甲子四時成歲權輿授代徐陳蕩穢  
 元服初嘉萬福咸會赫赫應門嚴嚴朱闕羣后揚揚  
 庭燎晷晷 魏邯鄲淳答贈詩曰我受上命來隨臨  
 菑與君子處曾未盈基見召本朝駕言趣期羣子重  
 離首命于時餞我路隅贈我嘉辭既受德音敢不答  
 之余惟薄德既局且鄙見養賢侯於今四祀既庇西  
 伯永誓沒齒今也被命我在不俟瞻戀我侯又慕君  
 子行道遲遲體逝情止豈無好爵懼不我與聖王受  
 命千載一遇攀龍拊鳳必在初舉行矣去矣別易會  
 難自強不息人誰獲安願子大夫勉實成山天休方

至萬福爾臻 晉張華答何劭詩曰良朋貽新詩示

我以遊娛穆如灑清風煥若春華敷自昔同寮案於

今比園墟衰疾近辱殆庶幾竝懸輿散髮重陰下把

一作杖臨清渠屬耳聽鳴禽鳴禽流目玩儵魚從容

養餘日取樂於桑榆 又詩曰駕言歸外庭放志永

棲遲相伴步園疇春草鬱以滋榮觀雖盈日親友莫

與偕悟物增隆思結戀慕同儕援翰屬新詩永歎有

餘懷 又贈摯仲治詩曰君子有逸志棲遲於一丘

仰蔭高林茂俯臨淥水流恬淡養元虛沈精研聖猷

晉何劭贈張華詩曰四時更代謝萬物迭卷舒暮

春忽復來和風與節俱俯臨清泉涌仰觀嘉木敷在

昔同班司今者並園墟私願偕黃髮逍遙樂琴書舉

爵茂陰下攜手共躊躇奚用遺形骸忘筌在得魚

晉潘岳為賈謐贈陸機詩曰神農更王軒轅承紀畫

野離疆爰封衆子夏殷既襲宗周繼祀綿綿瓜瓞六

國互峙疆秦兼并吞滅四隅子嬰面觀漢祖應符一作

膺靈獻微弱在涅則渝三雄鬪足孫啟南吳南吳伊

何僭號稱王大晉統天仁風遐揚偽孫銜璧奉土歸

疆婉婉長離陵江而翔長離云誰咨余陸生鶴鳴九

臯猶載厥聲況乃海隅播名上京爰應旌招撫翼紫

一作庭蕃岳作鎮輔我京室旋反桑梓帝弟作弼或

云國官一作清塗攸失吾子洗然恬淡自逸廊廟惟

清俊又是延擢應嘉舉自國而遷齊轡羣龍光贊納

言優游省闈珥筆華軒昔余與子繾綣東朝脩日朗

月攜手逍遙自我一作離羣二周于今雖簡其面分

著情深子其超矣實慰我心發言為詩望侯好音欲

崇其高必重其層在南稱柑度北則橙崇子鋒穎不

頽不崩陸機答賈謐詩曰先天創物景命是膺降

及羣后迭毀迭興邈矣終古崇替有徵在漢之季皇

綱幅裂雄臣騰一作驚義夫赴節釋位揮戈言謀王

室王室之亂靡邦不泯如彼墜景曾不可振乃卷三

哲俾乂斯民啓土綏難改物承天天厭霸德黃祚告

釁獄訟違魏謳歌逼晉陳留歸藩我皇登禪庸岷稽

顙三江改獻惟公太宰光翼二祖誕育洪胄纂戎于

魯昔我逮茲時惟下僚及子棲遲同林異條年殊志

比服舛義稠遊跨三春情固二秋祗承皇命出納無

違往踐藩朝來步紫微升降秘閣我服載暉孰云匪

懼仰肅明威分索則易攜手實難念昔良遊茲焉永

歎公之云感貽此音翰蔚彼高藻如玉如蘭民之胥

好狷狂履聖儀刑在昔予聞子命又答潘尼詩曰

人部

人音 卷一百一十一  
於穆同心如瓊如琳我日東徂來餞其琛彼美潘生  
實綜我心探子玉懷疇爾惠音 又贈馮文罷詩曰  
嗟我人斯戢翼江潭有命集止翻飛自南出彼一作  
幽谷及爾同林雙情交映遺物識心 又贈潘尼詩  
曰水會於海雲翔於天道之所混孰後孰先及子雖  
殊同升太玄舍彼玄冕襲此雲冠遺情市朝永志丘  
園靜猶幽谷動若揮蘭 又贈從兄車騎詩曰孤獸  
思故藪離鳥悲舊林翩翩遊宦子辛苦難為心髣髴  
谷水陽婉變崑山陰營魄懷茲土精爽若飛沈 又  
贈斥丘令馮文罷詩曰風駕出東城送子臨江曲密

席接同志羽觴飛鄙淥登樓望峻阪時逝一何速  
又贈紀士詩曰瓊環俟豐價窈窕不自鬻有美蛾眉  
子惠音清且淑修姱協妹麗華顏婉如玉 又贈顧  
彥先詩曰清夜不能寐悲風入我軒立影對孤軀哀  
聲應苦言 晉傅玄答程曉詩曰奕奕兩儀昭昭太  
陽四氣代升三朝受祥濟濟羣后峩峩聖皇元服肇  
御配天垂光伊周作弼王室惟康顛顛兆民蠢蠢戎  
羶率土充庭萬國奉藩皇澤雲行神化風宣六合咸  
熙遐邇同歡赫赫明明天人合和下罔遺滯焦朽斯  
華矧我良朋如玉之嘉穆穆誰誰興頌作歌 又答

八音 卷一百四十一  
程曉詩曰羲和運玉衡招搖賦朔旬嘉慶形三朝美  
德揚初春聖主加元服萬國望威神伊周敷玄化竝  
世霑天人洪厓歌山岫許由嗟水濱 晉傅咸贈褚  
武良詩曰爰暨于褚惟晉之楨肇振鳳翼羽儀上京  
喉舌納言紫庭光贊帝道敷皇之明方任之重  
實在江揚乃授旄鉞宣曜威靈悠悠遐邁東夏于征  
又贈崔伏二郎詩曰英妙之選二生之授頤頤兩  
城歡德之茂君子所居九夷非陋無狹百里而不垂  
覆人之好我贈我清詩示我周行心與道期誠發自  
忠義形於辭古人辭讜豈不爾思 又答潘尼詩并

序曰司州秀才潘正叔識通才高以文學溫雅爲博  
士余性直而處清論褒貶之任作詩以見規雖褒飾  
之舉非所敢聞而斐粲之辭良可樂也答之雖不足  
以相酬報所謂盍各言志也詩曰貽我妙文繁春之  
榮匪榮斯尚乃新其聲吉甫作頌有馥其馨寔由樊  
仲其德克明授此瓦礫厠彼瑤瓊貺非其喻聞寵若  
驚 晉潘尼答陸士衡詩曰顧茲蓬蔚厠根蘭陂膏  
澤雖均華不足披逮春不茂未秋先萎子濯鱗翼我  
挫羽儀願言難常載合載離昔遊禁闥祗畏夕惕今  
放丘園縱心夷易口詠新詩日玩文跡予志耕圃爾

勤王役慙無琬琰以酬尺璧 又贈劉佐詩曰要言  
 將誰苦聊以貽友生念我二三賢規我無隱情 又  
 答楊士安詩曰逝將辭儲宮棲遲集南畿不悟百里  
 賤徒惜年志衰躊躇顧城闕怨戀慕端閣俊德貽妙  
 詩敷藻發清徽媿彼褒崇過感此岐路悲 晉張載  
 贈虞顯度詩曰疇昔協蘭房繾綣在華年嘉好結平  
 素分著寮友前謂得終遐日網繆永周旋吾子遭不  
 造遭閔下憂艱仰我失良朋誰與吐語言一日為三  
 秋歲况乃三年離居一何闊結思如廻川 晉石崇  
 贈棗腆詩曰久官無成績栖遲於徐方寂寂守空城

悠悠思故鄉恂恂二三賢身遠屈龍光攜手沂泗間  
 遂登舞雩堂文藻譬春華談話由蘭芳消憂以觴醴  
 娛耳以名娼博奕逞妙思弓矢威邊疆 晉司馬彪  
 贈山濤詩曰茗茗倚梧樹寄生於南岳上陵青雲霓  
 下臨千仞谷處身自孤危於何託余足 晉曹攄贈  
 石崇詩曰涓涓谷中泉鬱鬱巖下林泄泄羣翟飛咬  
 咬春鳥吟野次何索漠薄莫愁人心三軍望衡蓋歎  
 息有餘音臨肴忘肉味對酒不能斟人言重別離斯  
 情効於今 晉劉琨重贈盧湛詩曰時光不我與去  
 乎若雲浮朱實隕勁風繁英落素秋狹路傾華蓋駭



駟摧雙輅何意百鍊剛化為純指柔 晉盧湛重贈

劉琨詩曰壁由識者顯龍因慶雲翔茨棘非所憇翰

飛遊高岡余音非九韶何以儀鳳皇新城非芝圃曷

由殖蘭芳 又答劉琨詩曰隨寶產漢濱搗此夜光

真不待卞和顯自為命世珍 晉棗腆贈石季倫詩

曰深蒙君子眷雅顧出羣俗受寶取諸懷所贈非珠

玉凡我二三子執手攜玉腕嘉言從所好企予結雲

漢望風整輕翻因虛舉雙翰朝遊清渠側日夕登高

館 又答石崇詩曰昔我不肖備嘗顛沛后土傾基

皇天隕蓋少懷蒙昧長無耿介遺訓莫聞出入靡賴

我舅敷命于彼徐方載詠陟岡言念渭陽乃泝洪流

汎身餘艗宵寢晨逝曷路之長亦既至止願言以寫

爰有石侯作鎮東夏寬以撫戎從容柔雅我聞有言

居安思危位極則遷勢至必移上德無欲貴道不為

妙識先覺通夢皇義竊覩堂與欽蹈明規 晉摯虞

答杜育詩曰越有杜生既文且哲龍躍穎豫有聲彰

澈賴茲三益如琢如切好以義結友以文會豈伊在

高分定傾蓋其人如玉美彼生芻鐘鼓匪樂安用百

壺老夫灌灌離羣索居懷戀結好心焉悵如 晉歐

陽建答棗腆詩曰於鑠我舅明德塞違俾扞東藩在

徐之邳載播其惠載揚其威濟寬以猛方夏以綏光  
啟先業增曜重暉咨余冲人艱苦攸離過庭無聞頑  
固匪移寔賴茲誨導之軌儀仰遵嘉訓俯蹈明規如  
葛斯蔓如樛斯垂我遭君子仰之彌高巖巖其高卽  
之惟温居盈思冲在貴忘尊縱酒嘉讌自明及昏無  
幽不妍靡與不論人樂其量士感其敦 晉石崇答  
棗腆詩曰言念將別覩物傷情贈爾話言要在遺名  
唯此遺名可以全生 晉杜育贈摯仲治詩曰之子  
于歸言秣其駒矧乃斯人乃邁乃徂雖非顯用餞彼  
百壺雖非張仲將膾河魚人亦有言貴在同音雖非

翻飛曾未異林顧戀同枝增其慨心望爾不遐無金  
玉音 晉棗據荅阮德猷詩曰友朋顧之貽我良箴  
玩之無斃終詠斯音燕鼎在舟雖重不沈庶憑嘉謨  
高迹可尋 宋鮑昭贈顧墨曹詩曰昏明易遠離會  
難揆雲撤泉分西艦東軌 宋鮑令暉題書寄行人  
詩曰自君之出矣臨軒不解顏砧杵夜不發高門晝  
恒關帳中流熠燿庭前華紫蘭物枯識節異鴻來知  
客寒 又寄行人詩曰桂吐兩三枝蘭開四五葉是  
時君不歸春風徒笑妾 齊王儉贈徐孝嗣詩曰婉  
婉遊龍載遊載東靡靡行雲竝躍齊蹤無類不感有

來斯雍之子云邁嗟我莫從歲云暮止述職戒行崇  
蘭罷秀孤松獨貞悲風宵遠乘鴈晨征撫物遐想念  
別書情 齊徐孝嗣答王儉詩曰書帷停月琴袖承  
飈結芳幽谷解珮明椒去德滋永懷德滋深行雲傳  
想歸鴻寄音 齊王融贈族叔衛軍詩曰台曜澄華  
茲岳裁峻經天爲象麗地作鎮不器其德有斐斯文  
實超瑚璉才逸卿雲搢筆泉瀉動詠靈紛德馨伊何  
如蘭之宜貞筠抽箭潤璧懷山六樂畢該五禮備貫  
七訓是敷三英有粲惟公惟公惟公惟公惟公惟公  
在郡呈沈尚書詩曰淮陽股肱守高卧猶在茲况復

南山曲何異幽棲時高閣常晝掩荒階少諍詞珍簞  
清夏室輕扇動涼颺夏李沈朱實秋藕折輕絲良辰  
竟何許夙昔夢佳期坐嘯徒可積爲邦歲已暮 梁  
簡文帝贈張纘詩曰儀表咸推挹墻仞難窺踐旣富  
垂帷學復折波濤辯綺思暖霞飛清文煥飈轉朱旗  
赫容與雕檠紛曜煜波搖白鯉舟風動蒼鷹舳九嶷  
勢參差江天相蔽虧三春澧浦葉九月洞庭枝洞庭  
枝婁娜澧浦葉參差芬芳與搖落俱應傷別離 梁  
沈約酬孔逸通直懷蓬居詩曰闔闔旣洞啟龍樓亦  
高闕兩宮集鸞步二闕引通籍伊爾事清塗紛吾供

賤役 梁任昉答劉孝綽詩曰閱水旣成瀾藏舟遂  
移壑彼美洛陽子投我懷秋作久敬類誠言吹噓似  
嘲謔兼稱夏雲盡復陳秋樹索詎慰羣嗟人徒深老  
夫託 梁劉孝綽答張左西詩曰相思如三月相望  
非兩宮持此連枝樹暫作背飛鴻若人惠思我摘藻  
蔚雕蟲仙掌方踰露靈鳥正轉風方假排虛翮相與  
北山藜 梁王僧孺秋日愁居答孔主簿詩曰首夏  
雲物善晝暑且猶清日華隨水汎樹影逐風輕依簾  
野馬合當戶昔耶生物我一無際人鳥不相驚儻遇  
北山北聊訪法喬卿 又寄何記室詩曰思君不得

見望望獨長嗟夜風入寒水曉露拂秋花何由假日  
御暫得寄風車 梁王筠東陽還經嚴陵瀨贈蕭大  
夫詩曰子陵狗高尚超然獨長往釣石宛如新故態  
依可想 梁裴子野答張貞成臯詩曰匈奴時未滅  
連年被甲兵明君思將帥方聽鼓鞞聲吾生恣逸翮  
撫劒起徂征非徒慕辛季聊欲逞良平出車旣方軌  
絕幕且橫行豈伊長纓繫行見黃河清雖令懦夫勇  
念別猶有情感子盈編贈握玩以爲榮跂子振旅凱  
含毫備勒銘 梁蕭子雲贈海法師還甌山詩曰真  
心好丘壑偏悅幽棲人忽聞甌山旅萬里自相親次

八音 卷一百四十一 三五  
寥晚霖霽重疊晴雲新秋至蟬鳴柳風高露起塵動  
予憶山思惆悵惜荷巾 又寒夜直坊憶袁三公詩  
曰滴滴雨鳴堦悄悄茲夜靜風落宣猷樹寒凋承光  
屏高帷獨曉垂華燭夜空冷所思不相見方知寒漏  
永 又東郊望春訓王建安雋晚遊詩曰金塘綠泉  
滿上園梨蘂落蛺蝶戀殘花黃鸝對妖萼芳菲滿郊  
甸惠氣生蘭薄子家冠蓋里我館幽棲郭綠楊垂長  
溪便橋限清洛相去能幾許一水終踈索 梁柳惲  
贈吳筠詩曰寒雲晦滄洲奔潮溢南浦相思白露亭  
永望秋風渚心知別路長誰謂若燕楚關候日遼絕

如何附行旅願作野飛鳥飄然自輕舉 又贈吳筠  
詩曰山桃落晚紅野蕨開初紫雲日自清明蘋芷齊  
霍靡離念已鬱陶物華復如此 又贈吳筠詩曰遠  
遊濟伊洛秣馬度清漳邯鄲饒美女豔色含春芳鼓  
瑟未成曲踏屣復翱翔我本遊客子情愛在淮陽知  
誰心不樂念舊苦人腸 又贈吳筠詩曰秋風度關  
隴楚客奏歸音颯颯避霜葉離離出塞禽 梁何遜  
落日贈范雲詩曰緣溝綠草蔓扶援雜花舒輕煙淡  
柳色重霞掩日餘遙遙長路晚寂寂行人踈 又日  
夕望江贈魚司馬詩曰溢城帶溢水溢水縈如帶日

夕望高樓耿耿青雲外城中多宴賞絲竹常繁會管  
聲已流悅弦聲復悽切歌黛慘如愁舞腰疑欲絕仲  
秋黃葉下長風正騷屑早鴈出雲歸故燕辭簷別晝  
悲在異縣夜夢還洛汭洛汭何悠悠起望登西樓的  
的帆向浦團團日隱洲誰能一羽化輕舉逐飛浮  
梁吳筠贈周典嗣詩曰昔賢當路者聲名振華夏米  
輪玳瑁車紫韉連錢馬朝花舞風中夜月窺窻下想  
君貴易朋居然應見捨 又答柳惲詩曰閒房肅已  
靜落月有餘暉寒蟲隱壁思秋蛾繞燭飛絕雲斷更  
合離禽去復歸佳人今何在迢遞江之沂一為別鶴

弄千里淚沾衣 又訓郭臨承詩曰聞君立名義我  
亦倦晨征馬在城上蹀劍自腰中鳴白日遼川暗黃  
塵壠坻驚願君但銜酒深知有素誠 又訓聞人侍  
郎詩曰悵然心不樂萬里向悠悠凌朝憩杜渚薄暮  
遵江州君任青門上我發霸陵頭相思自有處春風  
明月樓 又詣周承不值因贈此詩曰竹枝任風轉  
蘭心逐風卷青雲葉上團白露花中泫聞君入騎踈  
聊寄錦中書一隨平原客寧憶豫章徐 又遥贈周  
承詩曰巨石亂天崖雜樹鬱參差伯魚留蜀郡長房  
還葛陂練練波中月亭亭雲上枝高岑蔽人者無處

得相知 又周承未還重贈詩曰石渠間無人子雲  
今何在顧望獨凝憂銜杯竟誰待散雪逐吹寒蓬姿  
浮霜采甘泉無竹花鵝雛欲還海 陳江總遇長安  
使寄裴尚書詩曰傳聞合浦葉遠向洛陽飛北風尚  
嘶馬南冠獨不歸去雲日徒送離琴手自揮征蓬失  
處所春草屢芳菲太息關山月風塵客子衣

**賦**梁劭陵王贈言賦曰張雲麾問望之美作牧南蕃  
維舟江漢留連飲餞發邁有期會面無日依依別袂  
恨恨江干古人贈別以言聊爲贈言賦曰昔人有感  
於知已深情投分如斯已矣相知勢利之間實君子

之所鄙靜言神交之際亦難得而具美豈直鮮其令  
終曾自聞其善始日踰久而益敬蓋惟一人者爾語  
同志面好合諒今古之皆然苟託御而自悅徐因芻  
而請前况英聲與茂實乃絕後而光先似臨潭而對  
鏡若披霧而覩天欽愛顧之罔已良佩服之在旃資  
淑美之上才超羣雄而獨峻德既深於萬頃壻有高  
乎數仞思若神而泉湧文如華而玉振伊薄軀之固  
陋謬攝官於夏汭知美錦之難裁處焚絲而易結幸  
中途而遽止仰旌旆之踟躕似德星之東邁類祥雲  
之西徂亟留連於河渚或終宴於城隅賞旣延於賓

友懽亦洽於僕夫嗟灰琯之易逝慨離袂之云促惜  
日車之不駐恨流影之難續觀善誘而不倦餐好音  
而未足佇浮雲之可寄願無比乎金玉 梁張纘懷  
音賦并序曰西平劭陵王以親賢近能作蕃夏首下  
走叨竊時命驅傳湘羅久託下風素蒙淑顧及塗經  
鄢郢淹泊累旬君王彈隨珠於千仞乃貽之以麗則  
詩曰懷我好音敢爲懷音賦云爾伊宗周之令望巡  
召南而述職襟帶郢夏之鄉宣條江漢之域服詩書  
於懷袖抱仁義於智臆總九德以棲身橫四溟而撫  
翼循微躬之末迹謬馳傳於衡疑由洞庭而左轉指

鄢醴而爲期仰芳塵於夏汭路將近而彌滋棹陵波  
以遄驚舟望浦而倦遲自清光之未覲逾一紀以歷  
茲敢憑情於往昔逢君恩之未遺陪桂苑之良遊接  
蘭臺之高會既醉酒以飽德亦傾羞而緩帶感平原  
之愛客傷岐路之難留戀西園之餘賞泣南浦之徂  
舟結煩言於將贈情有重乎琳球顧龍門其不見過  
夏首而西浮申服義之未沫長寄言於還郵 梁陸  
倕感知已賦贈任昉曰夜深且不寐獨匡坐而怨  
咨命僕夫而夙駕指南館而爲期學窮書府文究辭  
林旣耳聞而存口又目見而登心似臨淄之借書類



東武之飛翰軫工遲於長卿踰巧速於王粲固乃度  
平子而越孟堅何論孔璋而與公幹或欲涉其涯涘  
求其界畔則浩浩港港彪彪泫泫譬長鋏於鞘中若  
龍淵與蜀漢濟濟冠蓋祁祁儻逸有竊風以味道咸  
交臂而屈膝或望路以窺門空升堂而入室彼春蘭  
及秋菊向無絕於衆芳矧重仁與襲義信遼遼兮未  
央言追意而不逮辭欲書而復忘竊仰高而希驥忽  
脂車而秣馬旣一顧之我隆亦東壁之余假似延州  
之如舊同伯喈之倒屣附蒼蠅於驥尾託明鏡於朝  
光謂虛無而爲有布籍甚於游揚於是柔條颯其成

勁白露變而爲霜歲忽忽而道盡憂與愛兮未忘聚  
落莖於虛室聽羈雀於枯楊悴鬱悒其誰語獨撫抱  
而增傷託異人以蠲憂賴奇文而愈疾索黃瓊之寄  
居造安仁之狹室車出門其已歡無論銜杯與促膝  
譬鄒子之吟松故未寒而能慄徒納壤以作高陋吞  
丹而爲罔值墨子之愛兼逢太丘之道廣陪九萬以  
齊征激三千而同上識公沙於杵臼拔孝相於無名  
非夫人之爲感孰云感於余情指北芒以作誓期鬱  
鬱於佳城 梁任昉荅陸倕感知己賦曰原知己之  
時義故相知之信然乃貪廉之異貫柰勇怯之相懸

會。在物而成累。怯在我而可甄。既自得於爲御。又甘心於執鞭。矧相知其如此。獨攬涕而潺湲。雖有望於已。知更非謂其知己。信偉人之世篤。本侯服於陸鄉。緬風流與道素。襲衮衣與繡裳。逮伊人而世載。並三駿而龍光。過龍津而一息。望鳳條而載翔。彼白玉之雖潔。此幽蘭之信芳。思在物之取譬。非升斛而能量。匹方峙於東嶽。比凝厲於秋霜。不一飯以忘過。每三錢以投渭。匪蒙袂之敢嗟。豈溝壑之能衣。旣蘊藉其有餘。又澹然而無味。得意同乎卷懷。違方似乎仗氣。類平叔而靡雕。似子臺而不朴。冠衆善而貽操。綜羣

言而名學。折高戴於后臺。異鄒顏乎董幄。探三詩於河間。訪九師於淮曲。術兼口傳之書。藝廣鏗鏘之樂。時坐睡而懸梁。裁據梧而錐幄。唯忘年之陸子。定一遇於班荆。余獲田蘇之價。爾得海上之名。信落魄而無產。終長勤於短生。饑虛表於徐步。逃責顯於疾行。予比我於叔。則又方。余於耀卿。心照情交流。言靡惑。萬類闔求千里。懸渴言象可廢。筌蹄自默。居非連棟。行待舟車。冬夜不長。夏日靡餘。肴核非餌。絲竹豈娛。我未捨駕。子已迴輿。中飲相顧。悵然動色。邦壤雖殊。離會難測。存異山陽之居。沒非要離之側。以膠投漆。

中離婁豈能識

書後漢崔瑗與葛元甫書曰今遣奉書錢千為贄并送許子十卷貧不及素但以紙耳後漢馬融與竇伯向書曰孟陵奴來賜書見手跡歡喜何量次於面也書雖兩紙紙八行行七字七八五十六字百三十二言耳後漢延篤答張奐書曰惟別三年夢想言念何日有違伯英來惠書盈四紙讀之三復喜不可言後漢張奐與陰氏書曰篤念既密文章燦爛名實和副奉讀周旋紙弊墨渝不離于手晉庾冰與王羲之書曰得示連紙一丈致辭一千祇增其歎耳

了無解於往懷

八卷四十一

贈卷

部

卷一百四十一

唐類函卷一百四十一

唐類函卷一百四十一

